

皇

明

史

概

皇明大政記卷之八

少師建極殿大學士臣朱國禎謹輯

大明太宗體天弘道高明廣運聖武神功純仁至孝文

皇帝

嘉靖十七年九月十一日辛巳文上

廟號曰

成祖謚曰大明啟天弘道高明肇運聖武神功純仁至

孝文皇帝

太祖高皇帝都應天之五年庚子四月十七日癸酉

上生于宮中母

孝慈皇后爲第四子

御諱

東

初生光氣五色滿空

照朕宮闈經日不散聰明仁孝讀書過目不忘日從
名儒講論虛已納善貌奇偉美髭髯舉動不凡洪武
三年封燕王納妃 徐氏中山王長女也十三年就
國督邊兵備虜諸公侯皆聽節制 上妙兼武事射
必命中老將皆自以爲不及度量恢廓任賢使能各
適其當料敵制勝明見萬里由是威震朔漠虜人不
敢近塞二十一年藍玉征納答出降之還師至北平
以名馬進 上辭曰馬未獻朝庭而我先受非所以
尊 君父玉慚而心不懌遂間于 太子曰 主上
諸子中殿下度誰最愛者應曰莫若燕王玉曰臣亦

知之臣聞望氣者言燕地有天子氣殿下宜審之

太子曰燕王事我甚恭勿多言王曰貌耳此安足信
時晉王亦見上寵愛日隆自念已兄也遂生嫌隙
方並朝京師上有疾晉王數以語見侵上內憂
懇求歸國晉王密遣人伺之無所得二十二年春

太祖命晉王西出上北出會征殘虜晉王懦僅出塞

外上獨進直抵迤都山盡獲其太尉丞相等全部

以歸晉王忌上功遣人馳報太子謂上違異

勞師冒險使言于太祖已而晉王旋師太祖不

樂及上捷報至大喜曰燕王清沙漠朕無北顧之

憂矣 太子言晉王雖未深入然張聲勢有犄角之助燕王未可獨爲功二十五年再出塞四月 太子薨秦晉二王皆有次及之望然 太祖久屬意于上幾立以劉三吾言而止立 皇太孫二十七年勦捕野人女直討平之初 上受封卽元故宮爲府隱然與京師並重天意人心已有所屬得僧姚廣孝善卜明言當卽皇位鄧人袁珙善相密召至方飲酒肆而上自更服與衛士九人並入珙望見趨前拜曰太平天子也 上猶諱之乃不敢言廣孝精通兵略尤見信用與密謀 太祖著祖訓曰訓兵待命語益若豫爲

之囑矣三十一年閏五月 太祖崩 皇太孫卽皇
帝位尋起兵凡四年

上卽皇帝位改明年爲永樂元年 建文四年壬午六
月十三日乙丑 上入京師仍稱洪武三十五年

頒示文職奸臣許綁縛仍禁株累 群臣勸進十七

日巳巳謁 孝陵卽位 復諸殿門舊名周王橐齊

王博皆還王爵 辛未製皇帝親親之寶 追封徐

增壽陽武侯 壬申備禮葬 建文皇帝 下徐輝

祖于獄革其祿米 癸酉陞功臣丘福朱能而下官

祿 定征討城守功次 丁丑方孝孺齊泰黃子澄

練子寧陳迪等皆坐死夷其族先後斬竄貶赦各有

差 悉焚建文時遺冊 改作 奉先殿于奉天殿

西北

建文時被焚

召駙馬梅殷入京 製皇帝奉天之

寶誥命之寶勅命之寶 戊寅祭告 孝康皇帝及

皇后仍稱懿文太子太子妃 七月壬午朔祀南郊

奉 高皇帝配還御殿 詔赦天下明年改元書諭

世子 召前北平按察使陳瑛爲左副都御史 庚

子太白晝見 甲申享太廟 命各衙門悉復洪武

舊制 許逃軍自首 翰林侍書黃淮等九人仍中

書舍人 禮部侍郎兼學士董倫致仕吏部尚書張

統自縊茹瑯王鈍解職務給半俸仍許直言時政

丙戌改湘王謚曰獻

擢吳府審理正楊士奇爲編

修

戊子祭大社大稷

楚王楨諸藩王以次來朝

景清犯駕磔死

癸巳降吳王允燭廣澤王衡王

允燮懷恩王徐王允熙赦惠王

定來朝官員賞格

祭告

祖陵以下及歷代帝王嶽瀆海鎮闕里

李增枝飭兵荊州

尚書嚴震直王佐等巡視河北

解縉爲侍讀胡靖爲侍講陞楊溥楊子榮

時去子名榮

爲修撰鄭好義爲編修蕭引高爲檢討王汝玉張伯

顏爲博士

鑄征南征西平羌三將軍印

八月壬

子朔以卽位諭朝鮮

勅盛庸鎮山東劉貞鎮廣東

獲鐵鉉不屈磔之

止天下耆民來朝者

僧智

光詔諭西域

解縉黃淮胡廣楊榮楊士奇金幼孜

胡儼並直內閣

寧王權請封杭州不許

何福鎮

陝西寧夏等處

定罪人輸作之例

岷王榘與西

平侯沐晟交惡諭解之

定十一月朔進大統曆

沐晟鎮雲南

衍聖公孔鑑卒

廬陵縣民嘯聚劫

掠遣行人勅諭之仍命都督韓觀招撫尋卽解散

大賫從征將士

解縉等閱建文時章疏除軍馬錢

糧外悉焚之

改靖江王府諮議爲長史司其金寶

一如親王 九月辛巳朔敘靖難功封丘福淇國公

朱能成國公張武陳圭而下

侯十五人
伯十三人

并其餘將士

追封張王榮國公陳亨涇國公譚淵崇安侯 陞吏

戶兵左侍郎蹇義夏原吉劉儁皆本部尚書 卽位

詔諭安南及海外諸國 大陸起兵將士 改遼王

植國荊州谷王穗長沙 工部侍郎張顥宗先募兵

江西及江西布政楊璉按察使房安僉事呂升並爲

軍卒執告其罪 上釋不誅謫戍興州 招諭海島

逃民 許回回寧夏馬市 工部尚書嚴震直卒

以揚州全城歸附陞本衛指揮僉事李政爲都指揮

僉事江都知縣張本爲揚州知府 定功臣死罪減

祿例 乙未申明木鐸教民之令 韓觀鎮廣西

追贈百戶王真爲金鄉侯 陞工部左侍郎黃福爲

本部尚書 齊王博復國青州 虜寇開原拒却之

十月辛亥朔 巳未勅修 太祖高皇帝實錄 節

婦二人 都督陳質以迫脅代王誅 乙丑月犯畢

宿 定北平守城功賞 甲戌詔從征將士掠子女

者悉還其家 選力士長大者爲將軍宿衛 軍士

張真上封事賜衣鈔 孝子一人 應發戍者六

行人司編次 改建周王府于洛陽

汴梁爲河內所北尋止

十一月庚辰朔以僧道衍爲左善世 清理釋道二教 丙戌奉先殿成祭享 虜寇遼東邀擊于尖山破走之 陞侍讀解縉爲侍讀學士侍讀胡靖編修黃淮檢討胡儼皆侍讀修撰楊榮編修楊士奇檢討金幼孜皆侍講

壬辰冊 皇后徐氏 廢允熾允熒爲庶人 壬寅勅諭兀良哈諸部 加北平布政郭資戶部尚書仍任副都御史陳瑛乞追戮死事黃觀廖昇王叔英等不許 十二月庚戌朔 上南郊省牲 陞右通政李至剛禮部尚書 功臣年老者許免朝參 嚴武

臣冒襲之禁 夏原吉等會議官吏軍士俸糧支米

鈔格 免欽天監官歲滿考較後太醫院亦如之 守城功

保定知府維僉陞刑部尚書仍府事 義烏教諭高

澤上封事 上嘉納之 嘉定縣民周程請修東吳

水利從之 戊寅享太廟

永樂元年癸未正月己卯朔 御殿受朝賀 命婦朝

坤寧宮 勅諭中外文武羣臣 撫北平流民復業者十

三萬餘戶 罷浙江銀坑 陞陳瑛左都御史 徙汝南

王有勲于雲南周王第二子建文時告其父不法 辛卯郊 以北

平府爲北京 癸巳祭歷代帝王 保定侯孟善鎮

遼東 丁酉左都督宋晟鎮甘肅 設雲南五長官

司及普安安撫司 二月戊申朔改北平府為順天

府設行府部等衙門官屬

行都督府置左右都督同知僉事無定員行部尚書

二員侍郎四員六部郎中員外郎主事各一員刑部

加員外一員主事三員國子監堂屬各一員助教二

員順天府行太僕寺如舊其舊三司俱革 尚書掌

北平布政司事郭資尚書掌保定府事雖僉俱改北

京行部尚書平安為行都督僉事

建文特所改

嚴誣告法 復

朝鮮金印龜紐 戒諭代王 御史分詣各

省巡視 丙辰千秋節命婦入朝 丁巳遣官釋奠

先師 戊午祭大社大稷 己未改寧府于南昌寧

王就國 書諭述北可汗鬼力壽 虜寇遼東 癸

亥耕籍田 甲子武定侯郭英卒 徵尚師哈立麻

悉除雲南平糶宜慰司增額 琉球入賀貢方物

補去年壬午應天各省鄉試北京諸郡以學校殘

毀停侯永樂三年 辛未命獄囚五日一引秦仍會

官覆審 濬嘉定縣秦趙二涇 虜欲犯邊命郡王

高煦往開平操備仍書諭世子 給西邊驛馬屯牛

三月戊寅朔廷臣再上表請立 皇太子報聞

江陰侯吳高鎮大同 遼東都指揮同知沈永隱蔽

邊事坐誅 設北平國子監 改北平行都司爲大

寧都司調營州五屯衛于內地仍隸大寧都司

大寧古遼

西地契丹號為中京大定府大同在西燕京在南遼陽在東舊設行都司五屯衛守之至是移入保走

移澤潞民耕裕州 再敘平九門功加陞一級

平江伯陳瑄都督宣信海運 免命婦朔望朝遇節

令乃入 鎮遠侯顧成請操練安撫司土軍止之

修殷太師比于墓 軍士唐順請開衛河

去黃河凡五十里開

之距黃河百步置倉使轉輸下部議俟風力稍進行之

河南牛疫死詔所在

百姓免補其鬻男女以償者悉贖還之 京師雨水

四月安南權國事胡奎請襲陳氏封爵下禮部廉

察 戶部尚書夏原吉往浙西蘇松治水 書諭瓦

刺酋長 行人楊勛詔諭安南 右副都黃信以漏

獄情誅

李至剛妻父之獄

朝鮮入賀貢方物 楚世子孟

烷奏往河南買人口諭止之 癸亥 聖壽節朝賀

賑北平饑民 禁金銀交易

犯者准奸惡論鈔法不通故也

命

王府非奉旨不得擅役軍民歛財物 定齊族朝貢

賞賜 設溧水縣閘壩 辛未成諭岷王降其官屬

收諸司印激發夷人

定衛官府官平禮相見衛所有事不得

下有司問理 襄城伯李濬鎮江西 五月丁丑朔

定忌辰先期二日齋戒免各寺經醮 福建兵擊倭

破之 遞減雜犯死罪以下各一等 太白晝見

郡王高煦率兵回宣府 封駙馬袁容廣平侯李讓

富陽侯世襲

以北平守城功

丙戌 高皇帝忌辰祭奉先

殿率百官謁祭 孝陵 補封靖難功臣李彬等一

侯六伯 戒諭代王 宥逆黨連坐者爲民 行人

往四川禁私茶 再諭守城功陞賞有差 癸卯晝

月與金星並見辰位 甲辰定有司非事于王府者

不得啟請推托王府事馳奏得旨方行 曉刻五星

皆見于東方 六月庚戌致仕尚書王鈞乞放軍士

老疾者甬上三事皆允行 壬子代王桂有罪劄三

護衛戒諭之 給事中御史分道安撫軍民 甲寅

五色雲見 丁巳上 高皇帝后謚號頒詔天下

分遣給事中楊春等十二人往安南暹羅諸國 辛

酉進 高皇帝實錄 河南旱蝗有司失報遣御史

治之 戊辰始遣內官祭中霤 赦海島逃民劫掠

者 辛未朝鮮入貢請見服書籍給與之 壬申書

月與金星見巳位 諸將備禦宣府 復鎮番衛

時改 七月丙子朔命翰林官依韻纂輯古書勿厭

浩煩 聽軍民畜馬 致仕禮部尚書鄭沂來朝命

仍知禮部事 九月賜歸 諭虜主鬼力赤書 八月丙午

朔遣官釋奠孔廟 夏原吉博考蘇松水患具奏集

民丁開浚三江 蘇州知府湯宗以坐視水患下獄

遣官賜朝鮮安南及海外諸國金幣 丁巳遣官

祭歷代帝王 戊午祭太歲風雲雷雨獄瀆山川旗

纛 復設浙福廣市舶提舉司 遣使日本 平江

伯陳瑄督海運糧至北京遼東者四十九萬餘石

修廬山周顛仙碑亭 簡富民實京師 南直十郡浙江等九省

九月丙子朔 勅廷臣各舉所知 允福州延平

糧輸本府 石離難行 重陽節賜宴 中官馬彬等使瓜

哇 制農器給山東被兵軍民 鎮遠侯顧成上言

邊事褒諭之 擢高唐州民王政為給事中 上言獎用

削歷城侯盛庸爵

暴卒

沐晟請討車里論練兵以待

命侍臣作宗廟樂章 各衛韃官置勘合賜姓氏

釋文移錯誤之罪 十月乙巳朔定軍功襲職例

焚匿名書 日本來貢 己未命侍臣輯書賜長

子 再賞守城功臣 治巡海指揮李葵

罪部下百戶戰死

反報功

戊辰修 祖陵易黑瓦爲黃如 皇陵之制

興北京屯田 西洋諸國來朝免其私稅 十一

月乙亥朔進明年大統曆 賜寧王書

捕府中小人不發

放免建文時山後逃匿官民 選郡縣考滿官六卦

辦事直言 運糧百五十七萬自陽武轉輸北京

丁亥定驛傳事例 免教諭康孔高罪

省學
卷四

罷浚

河江南夫

韓觀勦郴州山賊平之

書諭世子興

督農功

閏十一月甲辰朔

乙巳靖江王贊儀就

國桂林

給浙江備倭都司符驗

撫河南復業民

戶

福建兵擊倭破之

癸亥

皇長孫至自北京

安南胡奎乞封許之命郎中夏止善等往冊

順

天山西地震

山東民獻陣圖獻之

十二身甲戌

朔勅修古今列女傳成御製序頒行

修太昊陵寢

復營州古屯衛

邊衛屯官免赴京考較

賑畿

南免遣人覈實

訪求

太祖遺文

壬寅享太廟

擢舉人王儒爲檢討 普陞翰林博士以下官

永樂二年甲申正月癸卯朔御殿頒勅 夏原吉再往

蘇松治水

先還自蘇松言水利未盡事宜命再往治之嗣以大理少卿奏復

都督

陳浚陪祀 太廟失儀下獄戶部侍郎李文郁不至

下刑部請戍 道士獻方書斥之 定屯田賞罰例

雲南叅政張定坐變亂舊章下獄謫驛夫 禁下

海民船 已巳召世子及郡王高煦還京

四月廿四日至

一月壬申朔江西總兵李濬勦平永新賊 遣應天

府官祭先農 設北京兵馬指揮司 除蘇州絕戶

田糧 修江湖邊海隄岸 琉球告哀遣使祭賻冊

封 修國子監經籍版 三月壬寅朔策貢士楊相

等四百七十二人賜曾槃周述周孟簡以下及第出

身選二甲楊相等五十人及善書湯流等十人爲庶

吉士 三甲方昶等二十人爲行人餘諸司觀政

侍讀學士解立進士題名碑于國子監後爲許

武臣薦士 治給事中丁瑛罪仍論六科官以撫安

人犯遼東都指揮何琪失修邊備坐斬 開遼東

馬市 改封懿文太子第四子敦惠王允熙爲歐寧

王奉太子祀詔天下 周王進佾舞及頌九章 四

月辛未朔簡東宮官屬以文武大臣兼之翰林科道

部屬以下等官並得改用 命僧道衍復姚姓賜名
廣孝爲太子少師 進士李衡自言父死于法不當
違制干進 上諭留慰勉之

甲戌立世子爲 皇太子妃張氏爲皇太子妃第二子
高煦漢王高燧趙王 前戶部尚書王純以布政致
仕 甲申文華寶鑑成召 皇太子授之 釋安慶

府民誹謗罪 軍士所誣 免順天永平保定三府效順民

戶糧稅二十萬 朝鮮琉球及諸番酋朝貢 更定

守城屯田軍士之數 以夷險要 勅廣東三司詰鍾

均道 定文時叛人傳已死 五月辛丑朔 留祭酒徐旭爲修

撰

當降以文
行留之

丙戌

高皇帝忌辰

上騎從祭陵

不用法駕

設廣西馮祥縣土官知縣

進陽武侯

徐增壽襲祖爵定國公與世券

六月庚午朔劉基

孫貊進其祖所受

高皇帝手詔

各處軍情急務

許給驛

鴻臚少卿汪泰使朝鮮私受餽誅

勲戚

歲祿始米鈔兼支二百石以下者全支

汰添設官

許進士歸學監生依次歷事出身

朝鮮進耕牛

萬頭給遼東屯戍

再錄下第貢士張鉉等六十人

冠帶入太學讀書

封哈密阿克帖木兒爲忠順王

命姚廣孝往江南賑濟

七月庚子朔虜酋鬼力

赤與瓦剌相攻 癸卯勅宣府備虜 進士張文禮

日陰雲南人不開吏事即命爲本省學官 呂毅王

以六哨海道 鑄補北邊將印 李景隆被劾以本

爵歸第 都督馬榮率海舟餽運北京 山東野蠶

成禮部請表賀不許 鄱陽民朱季友進書以謬

妄押還鄉秋一百搜毀之 八月庚午朔占城爲安

南所侵來告命禮部賁勅諭安南 安南舊臣裴伯

耆來告難

李季友後主基位

李景隆及其弟增枝再被劾

没人莊出佃僕 內臣楊瑄等撫諭孟養木邦諸夷

爲土官所阻弗克進 招荔波縣洞獠編籍 屯軍

年六十以上自食免比較 行戶口食鹽之法 清

遠伯王友獲海寇獎之 定錦衣將軍月米全給

旌節孝六人 丁酉前安南王孫陳天平自老撾護

送入朝 九月己亥朔周王橚來朝獻騶虞群臣表

賀 僉都御史王平有罪下獄 印烈女傳萬本給

賜諸番 以河患修開尉府城 賜學士解縉等七

人五品公服令其妻入見中宮賜如之 丁卯陞諭

德胡儼祭酒 令考察有司具實蹟以聞 徙山西

民一萬戶實北京 夏原吉江南水利工完 獲神

龜于幕府山 十月己巳製信符金字紅牌給雲南

請夷其各土司量設經歷都事吏目掌文書 定江

南官田租折布民田輸米 日本來貢 耿炳文被

劾尋卒 乙酉蒲城河津二縣黃河清 停御馬監

白象穀食 十一月己亥朔濬江東門北河停運舟

辛巳給事中何海陳三事允行一重理焚失舊冊軍衛幕官選通

曉文理議達政務之人一軍官幼屯田額外餘糧

小者選老成舊官一人相兼管事悉與本軍自用仍給賞 開淮安清江關 甲辰

上御門錄囚釋放有差 免江浦知縣周孟罪當刑妻梅

氏訴益母老乞代死以養葬之癸丑夜京師地震 介休縣民請

採五色石黜之 工部侍郎趙毅請鑿鎮江運河

上以勞民不許 學士解縉等進所纂韻錄賜名文

獻大成

等以所載未滿物
燒廣寺等再纂

已未設天津衛

屯守直
沽海運

商船建百萬倉仍
通丁字沽廣儲蓄

十二月戊辰朔宣府諸屯堡成

黃巖賊童養民等伏誅 中官私役工匠戒諭府

尹向寶禁革 陞宋禮工部尚書 壬辰韓城縣黃

河清 復郡縣歲貢實國學 分女直地建都司衛

所奴見于都司一衛三百八十四
所二十四為站為地面者各七 賜學士解縉等

六人二品金織衣

與尚
書同

永樂三年乙酉正月戊戌朔寧夏屯田積穀數多勅獎

總兵何福 還一甲曾榮等三人庶吉士楊相等二

十五人就文淵閣讀書庶吉士周忱自陳年少願學

增人 楊榮楊士奇進玄龜詩賦

立孝陵碑代石龍潭山得之

論安南具篡奪之故以聞 祭酒胡儼請申明洪武

學規從之 二月丁卯朔 己巳蜀王來朝凡八日

辭歸 北京刑部尚書維僉以怨誹貪婪誅

朱濬代

安南掠奪土司勅諭其實以對 都給事中馬楨以

欺罔誅 永平指揮李宏坐虜人搶劫誅 福建巡

按洪堪言十事

中言常袞在福建有功學校富麗

上嘉納之 廣

西總兵韓觀乞勦蠻寇論撫輯毋輒進兵 命趙王

高燧建國壇于北京

時方留守別建以祭

兩將軍騎兵哨瞭

迤北 平江伯陳瑄復督海運赴北京 三月丙申

朔浚縣脂河

在漂陽縣

祭忠順王安克帖木兒以其任

脫脫襲封 定屯田賞罰條例 定遼東互市馬價

萬二 各府世子來朝 命 皇太子宴于文華後殿

四月丙寅朔 癸未改工部尚書黃福于北京刑部

本史陳瑄 定命婦朝賀止三品以上 除各處

絕田租

徵儒士馬巨江

以年老授博士還歸

五月乙未

朔 諭諸王謹守法度 肅王來朝 鑄北京

內各門關防印記 六月乙丑朔朝鮮請頒樂器

從之 遣中官鄭和等往諭西洋諸國 會兵出塞

命夏原吉等賑三吳饑民 拓西安門外垣

塙 文官三犯杖者如律正罪 安南具奏謝罪請

還陳天平許之 七月甲午朔陝西進瑞麥禮部表

賀斥之 命把都帖木兒爲都督僉事

襲祖平章來降者賜姓名

吳允誠其屬曰柴秉誠揚故誠皆居涼州

定中山武寧王歲祭

正旦清明七月

望十月朔冬至

旌節婦二十三人 天津城北多造露囤

貯海運 八月甲子朔禮部尚書李至剛下獄 戶

部尚書郁新卒 申明學較舊規 丁丑老人星見

南極 遼王植來朝 雲南鎮守順昌伯王佐被劾

逮入京 免江南田租 九月癸巳朔湖廣諸苗悉

隸西陽宣撫司 改刑部尚書鄭賜于禮部

呂氏

戒諭周王橚齊王橚 谷王橼慶王櫓來朝 十月

癸亥朔駙馬都尉梅殷爲盜所殺 趙王高燧來朝

壬午賜滿剌加國鎮國山碑銘親製文勒石 封

許成永新伯 十一月癸巳朔進信安伯張輔爲新

城侯

以父張玉立功戰死輔亦有軍功

封左都督宋晟爲西寧侯

周齊二王皆悔過謝罪 孝子一人 開雲南銀

冶 十二月癸亥朔雲南總兵西平侯沐晟破八百

諸寨降之 諭安南胡查迎陳天平遣都督黃中呂

教等以師納之 夏原吉還掌戶部事

永樂四年丙戌正月壬辰朔大觀朝賀 命李彬張輔

捕南陽叛民尋獲之 琉球進聞人却之 以擒叛

逆遣使褒諭日本國王封其鎮國之山親製文立碑

韃靼所部來歸賜姓名者九人 朝畢再諭六部

及近臣午後奏事 忠順王脫脫爲其祖母所逐勅

諭其大小頭目 二月壬戌朔 復建承天門建文時被

文 命荔波縣民覃敬信爲本縣知縣額撫徭民能招

諭洞 勒 太祖嘉禾詩于石裝賜群臣 復設開

平衛謫戍充之 都督僉事程達擅調軍職下獄

勅武城侯王聰等往興和備虜 軍官有罪謫戍立

功者悉復職 庚辰旦老人星見 右僉都俞士吉

大理少卿袁復蘇州治水還下獄

朱見朝先至家丑交賄為陳瑛所劾

復後死

三月辛卯朔 上幸太學釋奠先師改服

皮弁行四拜禮祭酒胡儼講堯典司業張智講泰卦

賜賚遍及監生三千餘人親製視學文立石 設遠

東馬市二所 逮至嘉興知縣李鑑釋之

以籍沒道黨姚璉遺

其弟亨為陳瑛所劾二以亨本無名不問

壬寅策貢士朱縉等二百一

十九人賜林環陳全劉素以下及第出身有差

侍讀學士

王達洗馬楊溥主考得王驥有風格試卷之異復親試下第者得周翰等四十二人送翰林院國子監進

安南伏兵劫殺陳天平被謫大理卿薛巖死之

黃中等引兵歸 復置曲先衛 加賜邊軍布鈔

改江殷等十三人爲廣吉士翰林院修書其余賜勅

還鄉讀書 丁巳設哈密衛置印以其頭自爲指揮

等官招諭海島流人 四月辛酉朔定討安南 齊

王博乞詣京謝罪許之 己卯購遺書 陞雲南鎮

沅州爲府知州刀平知府事永寧州爲府各吉八合

能知府事 茹瑄失朝谷王奏聞下獄 御史車舒

以怠職戍邊 五月庚寅朔鑄征夷將軍征夷副將

軍印 集兵征安南 大理卿陳洽往廣西計議軍

事 雲南各宣慰司三年一貢

慶賀謝恩
不在此例

留齊王

樽于京師示以彈章諭諸王赦教授官罪 忠順王
脫脫及其祖母皆遣人謝恩守國如初 大古刺土
酋悔罪來貢 六月己未朔日食陰雲不見群臣乞
表賀 上以水象止之 詔各安撫司首領官皆定
爲吏目 請北京尚書黃福侍郎張思恭爲辦事官
隨征安南尋復其官 瑞麥獻 宗廟 七月戊子
朔以伐安南祭告嶽鎮海濱 辛卯命成國公朱能
佩征夷將軍印新城侯張輔充右副將軍西平侯沐
晟佩征夷副將軍印充左副將軍晟自雲南能自廣
西會兵征安南 旌節婦十八人 賜左庶子黃淮

等二品金織衣 壬寅太白晝見 癸卯禡祭出師

申嚴誹謗之禁 命欽天監纂修陰陽星命等書

建北京官殿遣尚書宋禮侍郎師遠古朴等分道

采木 申見丁著業之禁 徵北京儒士武周文授

侍講學士以老賜勅致仕 八月丁亥朔定北京兵

馬司夜巡銅牌一如京師之制 修陽武縣河岸及

汴河北隄 詰責通政司勿得壅蔽 濟寧等郡縣

蝗發粟賑之 諭占城防遏安南 癸丑廢齊王樽

爲庶人 大修北京城垣 霖雨所壞 九月丁巳朔 孝

子一人 增北京官軍俸糧 節婦一人 壬戌設

陝西甘肅北京遼東四苑馬寺從三品 西番諸國
朝貢 疏泰州運鹽官河 召侍郎李友直于戊所
復官 晉王濟煒來朝 廣濟縣妖僧伏誅 免廣
西歲辦黑鉛 斬誣告人誹謗者 寧夏總兵何福
請立東勝衛 上善之報以諸衛皆定議之 丙戌
申嚴匿名文書之禁 十月丁亥朔 戊子征夷將
軍朱能卒于龍州右副將軍張輔代總兵 乙未張
輔等發馮祥度坡壘開望祭安南山川破其兵傳檄
數其二十罪 回回進玉枕却之 十一月十三日
己巳甘露降 孝陵松栢醴泉出神樂觀取獻 宗

廟分賜群臣受賀 宥戶部人材高文雅授官

言及建文

事左都陳瑛劾其狂妄
當罪宥之仍量才授官

十二月丙戌朔安福縣叛

人朱務良等伏誅 西域亦力把力因入貢

即古龜茲國

辛卯下詔大赦 征南兵大破賊于嘉林江遂克

多邦城賊西都以東皆潰遁入海 復命士吉官

下

欽以爲事官
后水至是復入

除廣西絕戶田二萬餘頃 尚師哈

立縣至京入見

宴齊珠禮仍賜儀仗醴親王于
聖谷寺建醮資

高皇帝

州招諭合江等寨皆來歸 既寧王允熲薨賜祭諡

哀簡 兀良哈餓以馬易米厚酬之

永樂五年丁亥正月丙辰朔 改吳中工部尚書官

孝子張信尚寶司丞 征南兵合攻賊連破走之

己巳建五臺山佛殿浮屠 浙西直隸私披剃請度

牒者悉編發極邊 晉府宮中災 賜都指揮僉事

朶兒只姓名曰馬惟良鐵柱曰柴克恭 二月丙戌

朔黜學士解縉爲廣西叅議改中允李昌隆爲禮部

主事 虎賁士奉差掠民財治之如律 三月乙卯

朔封哈立麻大寶法王餘爲國師 駙馬都尉胡觀

下獄

黨李景隆

甲子四川大木自山浮出于江賜其山

名曰神木山 設四夷館 征南總兵張輔馳上安

南軍民降表 選國子生隸翰林院習字 禮部侍

郎戚存心有罪誅

先生洩漏機密至是夜召滅燭避匿

改上林署為

上林苑監以中官相兼任用

征南兵敗黎賊于富

艮江 四月乙酉朔平陽王濟熇來朝却之

親王來朝自長

王幼以嫡先庶今不循序却之

辛卯 皇長孫出閣講學

增置

各省僉事管屯糧

五月甲寅朔開平衛卒蔣文寔

言事九行

言物料非上產者勿取旌表節義當從公

甲子征南兵獲黎

季舜父子等安南平

河南饑有司匿不以聞悉逮

寅于法仍蠲賑之 辛巳擲還諛詞

參都御史俞士吉延視浙江遠

上聖孝瑞應頌

徙山東西民五千戶實上林苑

六月

癸未朔以安南平詔天下

安南陳氏已絕設交趾

三司郡縣其池尚書黃福兼掌布按事都督呂毅掌
都司事改雞陵關爲鎮夷關 楊榮如甘肅措置邊

防 戊子治北平祀興壇宇及祭器樂器 張輔會

廣西韓觀討柳潯叛寇悉平之 內臣矯旨采山西

天花茶差御史二人鞠治 徵交趾人才 廣西大

旱 七月四日乙卯 皇后徐氏崩 孝節十三人

神樂觀井醴泉出立碑 中山王長孫欽襲魏國

公 八月壬午朔改寧夏總兵何福于甘肅

時宋晟已卒于

疏奔喪
歸命之

丙申太白晝見 都督高士文討廣源餘

寇戰死程瑒等領兵繼至盡平之 九月二日壬子

太監鄭和還自西洋械獻海賊陳祖義伏誅 乙卯

安南俘獻黎賊及僞將相詔悉付獄赦其子孫頒賞

將士 張輔送交趾工匠七千七百人 十月辛巳

朔交趾舉明經人甘潤祖等十一人悉授本省同知

親製詩勉之其文武各才藝九千人給衣襪赴京聽

用 諭刑部尚書呂震凡發戍者從南北風土所宜

甲午冊諡 仁孝皇后 增設北京苑馬寺二十

四苑 廣西蠻悉平 韓王松薨 十一月辛亥朔

陞右庶子胡廣等官令吏部勿改外任 皇太子進

仁孝皇后所著勸善書內訓二書刻頒群臣 彗星見

姚廣孝等進文獻大成書更名永樂大典親製序

寇之

書凡二萬二千二百一十一卷一萬一千九十五本

十二月庚辰朔頒

高皇帝戒諭功臣鐵榜及勅旨于武臣

永樂六年戊子正月庚戌朔 皇后喪免朝賀 朝鮮

世子李禔來朝尋辭歸製詩送之 削岷王榘護衛

罷其長史等官 遣太監王安使迤西謀虜 開健

為縣鹽井 虜迎本雅失里南行

命邊將約王安探之仍勅嚴備

二月庚辰朔 都督僉事王端下獄 督漕 大白晝

見 肅王榘有罪賜書責之 三月庚戌朔定交趾

賦稅務從輕省 福建及蘇揚二府奏檜栢花為瑞

勅責之 遣使諭本雅失里 召鎮守貴州鎮遠侯

顧成還京尋復往鎮 東夷朝貢悉遵陸路 撫安

江西給事中朱肇捕盜虐民徵下獄 四月己卯朔

勅責楚王

內使市雲南犯法

法王哈立麻辭歸

中官護送

始命雲南開科 五月己酉朔日本入貢獻所獲海

寇 甲寅設遼東自在安樂二州

即自來快活二城

壬戌

京師地震 癸亥悉赦交趾餘孽使各復業 六月

戊寅朔 禁軍民子弟冒爲僧者 改潼關衛隸北

京 丁亥命夏原吉自南抵北緣河巡視軍民運木

燒磚 交趾總兵官張輔沐晟班師至京上交趾地

圖設十衛二千戶所十五府四十一州二百八縣

庶吉士沈升上五事下所司施行 右庶子楊榮父

憂歸 勅趙王及諸將飭邊備 己亥太監王安還

奏本雅失里窺探邊事 吏部左侍郎許思溫有罪

下獄死 禮部尚書鄭賜卒 劉觀代 顧成勳播州叛

蠻 七月丁未朔叙平南功進張輔英國公沐晟黔

國公清遠伯王友進侯柳升安遠伯高士文建平伯

皆世襲餘將士及兵部尚書劉儆侍郎陳洽而下有

差 火星犯太微垣 諸司庶務奉 皇太子處分

者稱令旨 沐晟仍鎮雲南 賜朝鮮國王李旦諡

康獻從其子芳遠之請

八月丙子朔 命明年巡狩北京

議令行事宜 河南野蠶成繭 設北京會同館文

奏驛馬之 各屯田務從輕例 交趾賊簡定鄧悉等作

亂遣沐晟討之劉儁仍贊軍事 丁亥唐王桎就國

南陽鄧王棟國安陸伊王模國洛陽并七月魯王肇

輝國兖州十月安王楨國平涼十一月濟王模國洛

州各賜米二千石 建文天祥祠 淳泥國王麻那

惹加那乃率妃及弟妹男女來朝遣中官迎宴上引見親宴之奉天

門賜儀仗天服十月奉于京師葬西門外撫慰其子賜謚恭順命于襲爵還國 增設陝西

苑馬各監苑 九月丙午朔出李至剛于獄降儀制

郎中 江西建昌撫州及福建邵武建寧延平等府
大疫 太監鄭和復使古里滿刺加等國 十月乙
亥朔召起楊榮 十一月乙巳朔設威虜鎮番二衛
命諸大臣輔導 皇長孫 決囚三百餘論從容
詳審釋二十餘人 十二月甲戌朔中官張謙行人
周航護淳泥國王還旺還國封其鎮國山御製文勒
石 鑄行在府部院寺錦衣衛印十顆 賜日本國
王源道義誼恭獻 安遠伯柳升平江伯陳瑄豐城
侯李彬都督費璵緣海捕倭 允番將率騎兵巡邊
丁酉黔公沐晟爲簡定所敗都督呂毅尚書劉儒

叅政劉昱皆死之 禮部尚書劉觀刑部尚書呂震

換任 罷溫處二府銀鉛坑冶六十處

永樂七年己丑正月甲辰朔大覲 誅御史何晟

陪祀 皇陵

直行御道人殿 解嚴養于市 嚴邊關茶禁 右庶子楊榮母喪

命起服扈從 元宵節賜假十日張燈弛夜禁 正

北京舊藩府官殿名號 涼州都督吳允誠甘肅總

兵都督何福寧夏總兵寧陽伯陳懋出塞哨虜 平

江伯陳瑄督北京餽運尚書夏原吉學士胡廣庶子

楊榮金幼孜扈行 二月甲戌朔勅 皇太子監國

示聖學心法書仍命刊行 凡四卷曰君道 臣道 父道 子道 諭黃淮

楊士奇盡心輔導 起致仕知府劉彥才等九十二

人分署各府州縣 冊張氏爲貴妃權氏賢妃任氏

順妃 行在戶部尚書夏原吉兼掌行在禮兵部都

察院事 鑄北京皇城四門銅符及夜巡銅牌 英

國公張輔清遠侯王友會沐晟兵討交趾 設在京

二十五門及水門城門郎各一員 壬午 駕發京

師 命都給事中胡濙訪異人 忠誠伯茹瑞卒于

獄 戊子 上至鳳陽祭 皇陵親負土益陵諸太

臣畢從遣官祭祖陵諸王墳 己丑遣官祭靈壁陣

亡將士

東昌縣城大河白溝
真定縣上並遣祭

前贊善王汝玉坐修

禮書茶制度當請成 皇太子省之用爲典籍尋復

官 詰責備倭總兵柳升勅并力 會試主考侍讀 郭維贊善徐善

通 貢士陳璉等九十五人 監國送太學讀書俟

駕回廷試 庚子 上至濟寧州嗣魯王肇輝來朝賜

米百石 上在東平州 都督僉事平安暴卒 海

運總兵陳瑄勦倭寇 三月壬戌 駕至北京大賚

官吏軍民 甲子陞行在兵部侍郎方賓本部尚書

召文武大臣諸翰林從遊萬歲山賜宴 交趾進

日象 虜立本雅失里爲阿漢 庚午大宴文武羣

臣及北京耆老仍賜勅諭 柳升敗倭于青州海中

御史考察郡縣官 四月五日丁丑遣都指揮金

塔卜及給事中郭驥賚書諭本雅失里賚賜還其部

下 海賊阮瑤等寇欽州擊敗之 編置邊關勘合

趙王侈費歲止給米三百石鈔千錠 丙辰行在

錄囚 賜書 皇太子優容群臣勿任好惡凡功臣

犯罪調發將士奏請施行 設奴兒干都指揮使司

以指揮康旺等爲同知等官仍設站遞送 閏四月

癸卯朔錄新喻縣致仕大使敖如淵 如淵致仕有司非

察司官當歲起慶帝 皇太子嘉之紀錄 設北京

寶鈔提舉司 五月壬申朔召諭北京父老 安邑

縣教諭白威上民餽有司不惜權其縣知縣 巳卯

擇山陵定于昌平縣之黃土山 駕臨視封爲天壽

山 乙丑釐四川采木軍夫 置邊城訓軍勘合

封瓦剌酋馬哈木爲順寧王太平賢義王把禿字羅

安樂王 皇太子下御史袁綱單珩于獄

陷死主事李貞并皂

誅三人後 六月壬寅朔諭 皇太子命黃淮楊士

奇送 高皇帝御集及洪武實錄于北京仍以翰林

官四人并選廷臣謹厚篤實文學可稱者數人偕來

命在外諸司官免朝行在 申諭勲臣再錄洪武

間鑑榜示之 郭驥爲虜所殺 皇太子命起服楊

溥 御史方恢匿父喪執送行在 簡御史二十八

人赴北京聽用山自吏員者四人改為序班

二十四人內歐陽謙文學蒨優改爲修文

四人以迂儒出爲知縣

征南兵連破賊 七月

辛未朔 癸酉命淇國公丘福爲征虜大將軍率武

成侯王聰同安侯大真靖安侯王忠安平侯李遠十

萬騎擣虜仍戒諭虜詐宜持重觀釁 韃靼脫脫卜

花王等各率所部詣甘肅求降命右庶子楊榮往諭

總兵何福招撫 虜僞丞相國公等三萬餘人降于

寧夏遞加賞賚 庚寅皇太子擢副榜第一孔鶚爲

中允

宣聖五十七代孫當授教官

丁酉旦老人星見 妖賊王

金剛奴伏誅 八月庚子交趾守將徐政戰死 台

州颶風驟雨壞城郭廬舍 設北京五城兵馬指揮

使 甲寅五將軍敗沒于臚胸河軍士皆走還 征

南兵擊賊黨鄧景異等大破之 繁峙縣獻嘉禾

先

雲縣亦 羣臣請賀皆不許 九月庚午朔日食 封

甘肅總兵何福寧遠侯 辛未誅叛賊李法良 贈

卹李遠王聰命其子襲爵削丘福官徙家屬于嶺南

決策親征書諭 皇太子 勅順寧王等防虜詐攻

大選各衛各王府兵七萬四千隨北征 武安侯

鄭亨帥師巡邊 益兵守沙門島 孝子三人 十

月乙亥朔召諸將諭親征之策命夏原古議北征
運 征南兵追賊至清化屢捷 天象百官于右順
門便殿奏事 節婦十一人 十一月 聖太子明
年攝南郊廟享羣祀皆如之 征南兵獲賊首簡定等 命
寧遠侯何福舉諸將中才知者以聞 十二月進寧
陽伯陳懋爲侯 師遠採木被劾 皇太子命還日
罪之 立東廠刺事內官一人主之

補遺

上初卽位頒文武職奸臣榜貴子澄齊秦方孝孺陳迪

練子寧黃觀胡閏王鈍張統鄒瑾郭任盧迴侯泰暴
昭毛泰鄭賜黃福卓敬王叔英陳繼之董鏞曾鳳韶
王度謝昇尹昌隆宋徵廖昇巨敬高翔凡二十九人
尋增徐輝祖鐵鉉姚善甘霖鄭公智葉仲惠王璉黃
希范陳彥回劉璟程通戴德葵王良盧原質茅大芳
胡子昭韓永葉希賢林嘉猷蔡運盧振牛景先周璿
等五十餘人王後鄭賜黃福尹昌隆自陳得免贈徐增壽武陽侯
謚忠愍 北京及通州城婦人守陴者查姓氏賞之
逮谷王長史劉璟自縊死 武官以進軍之數論
司 遣官祭功臣於雞鳴山廟 復戶部尚書郁新

官 陞前燕府長史金忠工部侍郎

元年正月禮部尚書李至剛奏月當食不食請賀却之 三月賜秦王尚炳書曰爾弟永興王尚烈年長令暫居鞏昌讀書練武以成德器昨聞過鳳陽自留守司官下至指揮小較皆被箠楚人不能堪竟莫明其何罪夫國家篤於親親宗室謹於禮法斯共保富貴令聞長世尚烈所爲若此豈保富貴之道凡今臣民皆 太祖皇帝數十年教養者况鳳陽肇跡之地過其地虐其臣民豈賢子孫所爲乎本欲罪其從官但以方出姑釋不問爾爲長兄深當戒之 論中外

文武羣臣曰帝王圖治必審於用人或取諸亡國或
舉于讐怨惟其賢而已若唐太宗用王珪魏徵房玄
齡杜如晦李靖尉遲敬德宋太祖用范質王溥石守
信王審琦輩相與協心比力共建功業載在信史垂
光後世昭然可鑒朕太祖高皇帝嫡子奉藩于燕
荷天地祖宗之靈肅清奸宄遂正大統蒞祚以
來思惟文武群臣皆皇考舊人推誠用之纖悉無
間比聞羣臣猶有心懷危疑不安於職者此益不達
天命不明朕心故也凡爾羣臣文武皆皇考所教
育以遺子孫者豈異國與仇怨之比乎昔孟懿子不

改父臣與父之政見稱孔子朕慨然希慕故今所任
幾務之重宥密之嚴非皆前日靖難之人此天下所
明見而共知也又何嫌疑之有各盡乃心共乃職擔
誠共事可以永保富貴朕言不再其深體之

八月僉都御史俞士吉齋水利集賜夏原吉講求疏
治之法 待詔王延齡行人顧彬使朝鮮 浙江赭
山風潮衝決壞民田遣官修築 內官楊喧等齋勅
撫諭麓川等處土官

九月雲陽伯陳旭閱視中都及直隸衛所軍馬城池
十月靖安侯王忠往北京安插屯田軍民整理屯種

十一月定武職新舊官襲替法

洪武三十一年以前為舊官襲替法

十二年至三十五年為新官襲替法

閏十一月兵部主事牟倫奏臣往廣東撫諭桂林諸夷皆已歸化竊謂此輩多是獠獍已嘗作亂未盡殲夷穴處巖居惟事剽掠今雖華面終然異心如安定縣首賊韋香等先皆向化今復為非重勞官軍深入勦捕臣思此賊別無技能惟倚恃險阻出沒不時兵至則散匿溪洞兵退則出劫鄉閭官軍皆非本處之人不能深知動靜且觸冒嵐瘴多致疾病難以有功惟彼土兵熟知道路諳識賊情若資其力可以收效

今後如遇竊發則命士兵與官軍合勢攻擊有得就以與之彼慕利爭先勇於用力可以傾其巢穴絕其黨類既免轉運供給之勞又無損失軍伍之患從之責勅鎮守遼東保定侯孟善曰朕命爾往鎮東鄙宜招懷遠人靖安邊境以稱付托之衆爾比遣百戶傅三漢出塞盜馬以致喪沒內失可用之人外失信於夷狄遼東肥沃之地一年有收足數年之用數年有收海運可省爾不盡心提督屯種之務軍士皮裘必先時開給爾及今方以爲言有司展轉文移豈淡旬得及皮裘運至天氣向暖竟不得用爲師如此國

亦何賴念舊勤姑貸爾罪自今宜深思改過撫恤將士撫綏外夷每事盡心毋怠毋忽

二年四月指揮完者禿等劾論瓦剌馬哈木等

七月命翰林春坊分撰諸經講義送內閣閱定呈

御覽赴東宮進講

十月刑部奏運官儋州知州陳敷千戶陳善等擅以官糧濟軍士上曰運糧所以畜軍遭風壞舟安得不與此汲黯所以達大體也置勿問

三年三月斬備倭矢機指揮龐義喬英

七月熱黎峒首王賢祐授官招諭生黎

九月陞御史周新雲南按察使

十月禮部進冕服鹵簿儀仗圖并洪武禮制禮儀定式禮制集要稽古定制等書頒行之

五年三月守衛官有於皇城下誦經者諭止之凡內官內使往來無勅旨者皆勿信

五月浚昌平至蒹村河道設文明河至通州五閘六月改大理卿陳洽爲吏部左侍郎與總兵張輔等計議量才授職給與勘合二千道

八月設海運都漕運使

七年十月北京有白鵲之瑞皇太子命楊士奇撰

表進賀 守城內使言城門郎擅離所守縱酒廢事
城門郎言嘗以母病白內使暫歸未嘗擅離蓋曾以
事件內使故挾私誣搆 皇太子曰城門郎無罪內
使小人縱私上罔朝廷下誣無罪之人豈可復用命
下錦衣衛治之 命司禮監榜示今後內官內使有
言事不實及挾私枉人者悉寘重典

皇明大政記卷之八終

皇明大政記卷之九

臣朱國禎謹輯

永樂八年庚寅正月

征南兵大捷

召陳懋隨征

免濟寧至京糧稅差役一年

得簡定等至京伏誅

尚書郭資隨軍餽運

丁酉二月戊戌朔命

皇

長孫留守北京夏原吉等輔之

勅黔國公沐晟等

會討交趾餘寇

辛丑親征詔天下

命趙王高燾

整理北京城池兵馬

宥廣德知州楊翰

公事被逮者先救保

皇太子赦之復職

丁未

上發北京

庚戌

駕度居庸

開五色雲見

壬戌

暉興和城

大同總兵吳高

操練各處人馬 甲子閱武營外英公張輔至自交趾入見命提督宣府等處操練 清遠侯王友武安侯鄭亨督餽運 三月丁卯朔分布五軍哨按諸將軍 涼州降虜復叛 監國命費璵討之劉觀贊軍務 浙江江西湖廣運糧二百十萬石赴北京備糴俸 乙亥大閱誓師 丙子 駕次凌霄峰乏水夜大雪足用 開四川南部內江鹽井 庚辰勅供具減半 壬午次五雲關野燒逼近風發分二道繞營而去 甲午次錦雲積謀虜儆備 丙申次清水源平地甘水躍出賜名神應泉 四月交趾掌司事尚

書黃福上五事 皇太子皆從之 庚子行營兵器

皆有火光 癸卯次玄石坡勒銘 節婦五人 戊

申次楊林戌以深入虜地免諸將朝 壬子次禽胡

山甲寅次廣武鎮皆勒銘 前北京刑部侍郎馬京

死于獄

漢王所譜

壬戌次玄雲谷 命史昭鎮涼州

費瓛平賊班師 甲子次長清塞賜其泉名玉華

五月丁卯朔 駕發順安鎮賜臚胸河名曰飲馬河

營平漠鎮 庚午 駕至蒼山峽獲虜譯五人 用

戌次環翠阜本雅失里西奔命諸將悉渡飲馬河追

之 乙亥命清遠侯王友廣恩伯劉才守營

築牧場城驛尉

上率精銳循河西北行 丙子 駕發聞喜岡諸將以

次前進 戊寅 駕至兀吉兒札賜名清塵河虜先

遁倍道追之 黔公沐晟與賊戰不利 巳卯 駕

至幹難河及虜擊敗之本雅失里以七騎渡河遁命

劉江梁福等追之 上次滅胡山壬午還次五雲峰

賜幹難名玄冥河 班師詔天下 戒將士毋得殺

掠違者斬 勅戍安侯郭亮餽赴建昌 王友劉才

以所領將士先赴開平 吳中章安餽赴禽胡山遂

征阿魯台 肅州寄居回回叛殺指揮二人據城指

揮盧本千戶朱迪討平之本亦戰死 壬辰 駕至

定邊鎮祭丘福戰亡將士陷虜者悉得脫歸 甲午
給事中陶璋以私怨誣匠役 皇太子下之獄 六
月八日癸卯急追阿魯台及之明日戰大捷阿魯台
墮馬走免盡降其衆旋師次駐蹕峰少木大雷雨得
濟益進兵至長秀川收其牛羊雜畜亘百餘里 丁
未追之回回津又大破之斬其名王數百十人 己
酉至廣漢鎮殲其餘衆獲叛人悉斬之捷書報 皇
太子 湖廣蠻寨悉降 勅張輔郭亮饒赴軍前病
卒悉昇載赴營 庚申 駕至永安戍王友劉才紆
道相失軍士多餓死 上怒切責命張輔收友等制

諭統其衆仍卹其病餒者 皇長孫趙王及文武羣

臣迎鑾表至 七月二日丁卯 駕次開平 上在

軍中皆素食至是頒賜所獲牛羊給食始復常膳

西寧侯宋琥鎮甘肅 戊辰楊榮賚書諭 皇太子

十七日壬午抵北京 改開平李陵驛爲威虜驛

皇太子遣尚書金忠進迎鑾表及袍服下令與將士入

關同易 庚辰 駕至龍虎臺羣臣奉迎 壬午

駕還京師御殿朝賀 禁開平衛城 甲午敘隨征

功陞賞有差 八月乙未朔安遠伯柳升進侯 寧

遠侯何福有罪自殺追削封爵 賜從征文官鈔幣

學士侍講賜同尚書 開封府霪雨河溢遣使撫賑

九月五日己巳幸天壽山諭督工武義伯王通存

恤工匠 十月四日丁酉 駕發北京 輯務本之

訓成賜 皇長孫 周王于國內請祀 高皇帝諭

止之 丁巳 駕次臨清從行賢妃權氏薨 十一

月甲戌 駕還京師 下都督梁銘于獄 侍皇太子

過衛士人並為千戶卜玉所發 涼州韃靼千戶虎保赤叛出塞悔

罪求歸悉赦之 十二月 河患諭修汴梁城 楚

王楨周王橐寧世子磐斌來朝 孔彥縉襲封衍聖

公 降平侯張信有罪下三司雜治 貪肆占并陽練湖及江陰官田

被劾交趾賊首陳季擴請降許之授以官 華城門

郎 凡風憲官不得用吏 舊有吏為御史者皆罷

永樂九年辛卯正月壬戌朔 柳升鎮寧夏 英公張

輔再佩印會兵征交趾 乙酉建 孝陵門 如大祀壇南天

門之 允楊榮奔喪 中官護送促其速來 丙戌李彬陳瑄用

往浙江福建勦倭 二月壬辰朔戒勵秦王尚炳械

長史等官入京師 傲慢不接詔書 增北京國子監學官如

南京例 六科查奏贖批發失當者通奏改正

辛亥左都御史陳瑛有罪下獄 尋死籍沒 甲寅秦王來

朝謝罪 倭掠廣東陷昌化千戶所殺其守將勅副

總兵李珪戴罪自贖 已未工部尚書宋禮開濟寧

惠通河

濟寧同知潘叔正請之

三月辛酉朔策試七年貢士

陳璉等八十四人賜蕭時中苗衷黃暘以下及第出

身有差 忠順王脫脫卒賜祭勅哈刺哈納鎮守陞

爲都督僉事 出解縉爲廣西叅議尋改交趾 選

楊慈等十一人爲庶吉士 賊入遼東殺掠鎮守都

督劉江論死尋宥之 免温州輸礬

供染色者上以勞民免之定

布衣無染

宋禮兼浚黃河故道

劉江仍鎮遼東 四

月辛卯朔陞琉球長史程復爲琉球國相兼左長史

致仕還饒州

原州人

徙交趾鎮夷關于松嶺高爽之

地 詔諸王來朝長幼以次而至 五月辛酉朔

進士王彥自陳與奸惡外親有連俱被籍沒乞就繫

上并其家赦之 六月庚寅朔 御史周宗範給事中

謝垣坐斬

私易奏章為右副都虞諫所發

旌監生張翼孝行 乙

丑太監鄭和還自西洋俘錫蘭山國王以獻釋之尋

立支屬為王遣歸 楊榮還京 節孝八人 乙卯

通惠河工成 交趾叅議解縉徵下獄及其友大理

丞湯宗宗人經歷高得暘郎中李至剛中允李貫編

修王汝玉朱紘檢討蔣驥潘畿蕭引高等 七月庚

子朔陝西疫 浙西大水 滿剌加國王率妻子陪

臣入朝禮之如淳泥 丙子英公等大破賊黨 乙

酉浚復黃河故道成 陝西糧祿足支十年令以後

半輸折鈔 寧夏總兵官勦叛虜破之 八月庚寅

朔石康縣典史陰鑑言事從之 九月己未朔寒義

夏原吉俱滿九載復職褒諭 下禮部尚書趙玠于

獄 溫州颶風暴雨 癸酉滿剌加國王辭歸賜勅

宴送之 凡告建文時言語干犯者皆勿聽 十月

己丑朔寬北京遷謫軍民賦役 重囚四覆進定儼

方決 乙巳重修 高皇實錄 以李景隆監修
逼促未備也 十

一月戊午朔英公張輔追陳季擴大破之 丁卯立

皇太孫冠于華蓋殿 韓觀鎮守交趾 戒諭鎮撫武

勘 高皇后戚 屬恣橫 十二月 切責左僉都劉翥 朝後不 往侍

皇太子 三衛侵略諭納馬贖罪 閏十二月三日已

未吏部尚書蹇義同六部尚書上十事下所司速行

給事中傅安等送西番使臣勅諭頒賞

永樂十年壬辰正月丙戌朔封吳允誠恭順伯 朝覲

官完勘合者止八十員賜鈔餘姑宥皆復職 庚子

元宵節賜宴觀鰲山三日夏原吉侍母來觀 上聞

賜鈔二百錠 柳升獻叛賊察罕反誅之 禁擅差

守令 勅都督費義尚書宋禮由新河運糧北京燕

修築河隄其海運仍舊 免越訴及誣告者罪徙于

良鄉永平等處耕種 二月丙辰朔給各尚書春坊

翰林官及姚廣孝誥命封贈 免山西河南永樂八

年以前逋租 置河間衛 定會試取士無過百人

庚辰遼王植有罪削其護衛 三月乙酉朔策貢

士林誌等一百六人賜馬騏林誌王鈺以下及第出

身有差 豐城侯李彬討甘肅叛寇 壬辰鑄征蠻

將軍印 選蔣禮等十七人爲庶吉士 定州馬產

駒有肉角類麟 甲寅陞順天府官正三品以知府

張貫爲府尹如應天 四月乙卯朔 命宋禮治衛

河 肅州回回殺御史陳琦都指揮陳秉謙等大略
而去以僉事馬英激變磔死 御史陳孟旭受賊論
絞文獻盜課銀坐斬 五月甲申朔始賜文武臣扇
指揮李嚴逐母不養磔于市 廣西請發銀礦斥
之 丙戌修北京山川壇功臣廟 六月甲寅朔建
武當山宮觀 免湖州役田逋糧十七餘萬石 宋
濂孫以奸黨鄧公智外親當坐宥之 囚犯逮至御
前者錦衣官勿得促起 凡郡縣及朝廷遣官遇民
艱不言者悉逮下獄 幼軍無妻者官爲之配 七
月甲辰朔賜廷臣兜羅錦被 蘆溝河水漲壞橋及

隄下工部修築 選黠黠官牧民牧馬 甲午鑄永
樂通寶錢 封耶把乃那爲錫蘭山國王 令中官
奉使無與有司事 平陽縣獻嘉禾 八月癸丑朔
英公張輔大破賊于神投海外 命 皇太孫兼習
武事選民間子弟才藝者隨侍 增設各關邊石垣
濠塹 浚泥國王還旺率母妻來朝遣使至福建宴
勞之 丙寅壽星見丙位 重建天禧寺 甘肅土
達老的罕逃叛捕之 九月癸未朔軍職犯罪者悉
復職 工部主事蘭芳請治中濼分道河流從之尋
陞本部右侍郎 平江伯陳瑄于嘉定縣之青浦築

土山高三十丈爲海舟表幟賜名寶山 御製文立

碑仍命瑄築海門縣捍潮隄百三十餘里 丁未淳

泥國王遐旺等入朝宴賜如其父 十月十五日

丁卯命 皇太孫演武方山是日甘露降採以進羣

臣表賀 置遼東境外滿涇等四十五站通各頭目

入貢 戊辰 車駕狩城南武岡 交趾僞少保滿

季祐等來降授官 十一月壬午朔楊榮往甘肅會

豐城侯李彬經略叛寇老的罕 定武官襲職比試

法 丙申復遣太監鄭和使滿刺加等國 經理德

州舊河 癸未獎鎮撫陳恭

恭上言禁衛宜嚴與人異類不宜宿衛上稱其

忠尚書呂震
請罪之不聽

十二月壬子朔命宋禮採木四川

廣西平樂蠻賊平

諭明年巡狩北京

楊榮還自

甘肅奏上軍情勅豐城侯李彬止兵

時老的罕走赤斤蒙古索之不

得議用兵策以道遠天寒得止

補鑄行在通政司以下衙門印

殺浙江按察使周航

永樂十一年癸巳正月辛巳朔日食免朝賀 停運木

徵侍郎師達還

巳未

勅諭韃靼太師阿魯台賜

金綺并及母妻

諭勿以丘福事爲嫌來歸當按顯爵

丁酉

仁孝皇

后梓宮發京師漢王護行

甘肅總兵西寧侯宋琥

送叛虜弩哈兒伯顏等至京宥之發戍廉州伯顏復

叛捕殲之 召宋琥還遣李彬代鎮 倭寇昌國衛

敗去 大理寺丞王高劉瑞以縱奸惡外親棄市

徐州饑免逋租六萬餘石 丙午瓦剌順寧王馬哈

木入貢多求請表詞悖慢且拘留勅使遣中官海童

詰責之 麓川宜慰司思倫發入貢請弟思任發代

職許之 山陸成定曰長陵 二月二日辛亥立貴

州承宣布政使開省設官 己未勅遼東總兵劉江

修理屯政 中官楊三保使西域引頭目數十人朝

貢授官賜印誥錦幣 北京民分養孽生馬 淳泥

國王辭歸賜賚 甲子以北巡命 皇太子監國悉

照七年例行事乙丑發京師 皇太孫從 丙寅葬

仁孝皇后于長陵 三月庚辰朔定京城獲盜期限

四月己酉朔 駕至北京 勅寧夏甘肅選軍赴北

京 諭兵部非軍機重務不許給驛 五月己卯朔

更定運糧贖罪例無力者發天壽山種樹 端午

節 駕幸東苑擊毬射柳 皇太孫連發背中命羣

臣賦詩賜宴 赤斤蒙古擒送老的罕賞賚授官

西虜亦罕丹米歸封安定王 侍郎儀智侍 皇太

孫講讀 阿魯台奏馬哈木等弑主奪印罪請發兵

致討賜而遣之 敘長陵功武義伯王通進封成山

侯世襲餘陞賞有差 丁未曹縣獻騶虞

禮部請賀不許

六月戊申朔 隆平侯張信奏武當山頂五色雲見

繪圖以進 已酉北虜十顏不花來朝請討瓦剌馬

哈木 設甘肅馬市于陝西行都司城內 添兵守

開平并增火車站烟塹 烏程歸安德清大疫 阿魯

台貢馬納胡元所授中書省印 東麓縣野蠶成繭

七月戊寅朔 封阿魯台為和寧王

馬哈木弒本雅失里而立

哈里巴阿魯台來附封之

八月丁未朔 申明恤刑之令 北

京地震 乙丑命鎮遠侯顧成勦湖廣臺羅叛苗

吏部員外郎陳誠中官李達賞賜西番 九月四日

庚辰命扈從軍士種麥京城近地人二十畝依屯田

例考覈 十月丁未朔 山西沿邊烟墾成 命

皇太子錄囚 十一月丁丑朔野蠶絲織染帑黃製

衾薦 太廟 馬哈木窺邊 癸未司直郎晁鑄年

八十乞致仕從之 勅將士嚴兵并行各邊哨騎守

瞭有失皆斬 諸將行邊 大會兵北京 十二月

丙午朔 英公張輔黔公沐晟大破賊于愛子江

癸酉朝鮮人李茂昌爲光祿少卿

其父文明先來朝授光祿少卿茂昌

承父志來朝亦授之

永樂十二年甲午正月丙子朔 上在北京 中官楊

三保往諭烏斯藏等國 丁亥修曲阜孔子廟 臺

羅叛苗平 征南兵斬鄧景異等 漢王高煦固請

還京遣之 上不釋命 羣臣勿送 停運木管造 運糧宣府

覈所調軍馬 二月五日巳酉大閱 庚戌柳升等

分領大營五軍前鋒軍馬 召晉王濟熿 弟平陽王 濟熿等誣

奏先已勅責 茲再被訐奏 三月四日丁丑設關外隆慶州永寧

縣 以遷南 者實之 孝子一人 癸未征南兵獲陳季擴等

交趾悉平 三衛貢馬贖罪售以布 庚寅北征發

京師 皇太孫從行 丙申次雞鳴山晉王濟熿來

見命留宣府候命 四月六日巳酉頒軍中賞罰號

令 開雲南黑鹽井 楊榮兼掌尚寶司事典軍中
機務 五月三日乙亥次禽胡山各尚書光祿卿六
科給事中爲督陣官 己卯次香泉戍命將士各賫
糧進兵 甲申陳季擴等俘至京師 乙未哨騎報
虜東行 上進至飲馬河 鎮遠侯顧成卒 六月
三日甲辰 上至雙泉海前鋒破虜兼程襲之一皇
太孫以鐵騎五百護衛 戊申遇虜于忽蘭弗失溫
諸將力戰敗之鄭亨追擊中流矢都指揮滿都戰死
上親擊大破之追度兩高山又破之馬哈木太平遁去
名其地曰殺胡鎮 庚戌班師殘寇來覘 上麾兵

薄之皆散走 書諭和寧王阿魯台 七月五日丙

子次禽胡山命遼東兵先還 庚寅次與和諸軍解

嚴休息 巳亥至沙河 皇太子迎鑾表至 八月

辛丑朔 上至北京御殿受朝賀 陳季擴伏誅

免北京所屬糧芻三年 忻城伯趙葵擯殺運卒都

督譚青選兵受賄皆下獄 甲寅西海諸國來貢

大賞隨征將士并運糧官軍人等 令馬隊死者選

步隊精卒補之 九月辛未朔封平陽王濟熿爲晉

王

恭王第三子

丁丑榜葛刺國王賽弗丁獻麒麟禮部

請賀不許

成安伯郭亮典安伯徐亨開平操備

開北京下馬關海子 太白書見 湖廣賊首吳者

泥等伏誅 清遠侯王友坐誹謗奪爵 賜和寧王

阿魯台米三千石官其部下百餘人 甲午賞獻劉

江鎮甘肅 乙未伊王模薨 遣官按視各邊新築

屯堡 閏九月辛卯朔下東宮官黃淮金問于獄獨

宥楊士奇以憲司劾奏併下獄尋釋之楊溥芮善以

金問詞連并繫 英公黔公班師 召江陰侯吳高

于大同命都督朱榮往鎮高至京奪爵爲民 十月

辛卯朔 勅諭御史鄭幹宴禮部 義門年 十一月

庚子朔廢晉王濟煒爲庶人 郢王棟薨 甲寅命

學士胡廣等以五經四書傳註及諸儒發明者編纂
成書開館東華門外 蘇松浙西水災蠲田租四十
八萬 侍郎張信謫交趾 靖江輔國將軍贊億有
罪免官 十二月 孝節十二人 爲 皇太孫及
諸皇孫選婚 增出後守口官軍

永樂十三年乙未正月庚子朔 上在北京受朝賀諭
天下來朝官 塞居庸關進北山口 瓦剌順寧王
馬哈木賢義王太平安樂王把禿孛羅貢馬謝罪
上以巧言文過夷狄不足較受之 壬子上元節午
門外燈山火都督同知馬旺焚死 戊午遣御史吳

文等分行天下察吏治詢民瘼 勅內外諸司申布

寬恤之令

壬戌設關外保安州

漢涿鹿地元奉聖州事同隆慶州縣

孝子一人

解縉死于獄家徙遼東

丙寅分武

職大臣出鎮

二月己巳朔

給事中張磐等十三

人督視各邊屯種操練 丁丑始會試舉人于北京

修撰梁潛王英為考試官

立北京馬神廟

大賚南征將士

釋工作囚徒四千九百餘 丁酉復刑部尚書劉觀

職

龍先生事請本部吏

三月己亥朔策貢士洪英等三百五

十一人賜陳循李貞陳景著以下及第出身有差

再試下第舉人朱瑛等二十四人賜冠帶入國學

討廣西蠻胡通四平之 選洪英王翺等三十人爲

庶吉士 原習譯書王翺等三十二人典馬 是月貴州布政使蔣廷璣言去歲頒師詔至要大巖山

有聲連呼萬歲者三 罷海運以淺船從會通河運 尚書呂震請賀不許

糧三百萬于京師 四月戊辰朔 英公復鎮交趾

立府軍前衛 幼軍隨侍 皇太子 孫者置官管束 陞陳洽兵部尚

書贊交趾軍務 兵部尚書金忠卒復其家 五月

丁酉朔日食 除教諭郭履軍籍復職 十舉人曹 請代其教

已酉行人陳季芳等往封琉球 增開平小站棚整

山海五所軍隸之 命漢王高煦山居青州 開青

江浦河道引官家湖水入淮通漕舟 六月丙寅朔

改刑部尚書劉觀爲左都御史 七月丙申朔 癸

卯太監鄭和還自西洋 戎縣都掌蠻平 始召商

中鹽北京 八月乙丑朔 庚午唐王桎薨 賑畿

內山東河南饑民 九月乙未朔 太監鄭和獻所

獲蘇門刺賊首 巳酉胡廣纂書成賜名五經四書

性理大全御製文序之頒六部國學郡縣學 壬戌

北京地震 十月乙丑朔交趾叛寇陳月湖伏誅

塞關外各隘口守以兵 上獵近郊 命死罪皆五

覆奏 時有冒文官權者命戮之 比覆奏 上海令從本律 中官李達員外郎

陳誠等使西域還以其使人入朝上西域記凡歷十

七國山川風俗物產悉備 十一月甲午朔 麻林
國進麒麟免賀 琉球使臣犯法戮其首惡 命諸
王各選步騎五千送真定操練 陳治奏占城通陳
季擴侵奪升華府地請討之不許賜勅詰諭之 十
二月甲子朔改貴州普安安撫司爲普安州 定北
京牧馬法

永樂十四年丙申正月甲午朔 上在北京朝賀如儀
山東河南饑免其逋租仍勅行賑 永新伯許成
擅杖工部主事王景亮 皇太子戒諭之 都督金
玉蔡福往山西廣寧縣勦妖賊劉子進等平之 復

開潼川等處鹽井 二月甲子朔 都督僉事徐膺

緒卒

中山王幼子

三月癸巳朔 長陵寢殿成奉安

仁孝皇后神位趙王祭告 戊戌改刑部左侍郎金

純于禮部尋陞尚書 壬寅和寧王阿魯台敗瓦剌

兵來告捷厚賜之 定趙王封國彰德 四月癸丑

朔禮部郎中周訥請封禪泰山尚書呂震贊決不聽

胡廣爲文淵閣大學士楊榮金幼孜俱學士

仍兼春坊

原職 復設孟養軍民宣慰使 定 皇太孫婚禮儀

仗如親王 五月壬辰朔 設交趾府州縣各儒學

山西廣靈縣山寇平 江西大雨水 六月辛酉

朔 都督蔡福緣海捕倭 贈前燕府長史朱復尚

書諡忠定 襄城伯李隆守備南京 七月庚寅朔

錦天指揮紀綱有罪伏誅應城伯孫巖有罪免 巳

酉華兩京城門郎

前年三月設

八月庚申朔 戊寅蜀

王椿告谷王穗謀不軌獎答加賞尋召穗入京 給

事中丁珏戍邊 旌石州學正梁準孝行 丁亥作

北京西宮 九月巳丑朔 奪漢王選撥諸衛官軍

癸卯京師地震 戊申 駕發北京 十月巳未

朔 癸未 駕至京師 谷王入見 十一月戊子

朔 議營建北京 奪漢王三護衛 召還英公張

輔 十二月戊午朔 修曲阜復聖公廟 丁卯西

洋諸國辭還命大監鄭和送之封其鎮國山親製文

勒石 壬申歷代名臣奏議書成 免貴州官考滿

赴京

以新設同
時到任

始差巡鹽御史

永樂十五年丁酉正月戊子朔 神僧傳成 丁酉郊

平江伯陳瑄督漕兼理運木 二月戊午朔 廢

谷王爲庶人 豐城侯李彬鎮交趾 壬申泰寧侯

陳珪督北京工繕

鑄印給之制
視都督府

三月丁亥朔 交

趾選貢士始至京師 雜犯死罪及徒流以下赴北

京輸役贖罪 都督蔡福謫交趾

以捕倭溺死
軍士數多

已

丑冊 皇太孫妃胡氏 北京建靈濟宮祀徐知證

知諤兄弟加封號 漢王高煦有罪徙居樂安州

丁未太監海童使瓦剌還賢義王太平安樂王把禿

孛羅隨入貢馬謝罪復命海童往使賞勞之時順寧王馬哈

木已設貴州按察司 壬子北狩發京師仍胡廣

初我四月丁巳朔癸未西宮成中為奉天殿傍有左右殿前為奉天

門午門承天門其北後殿五月丙戌朔 駕至北

京御新殿朝賀 營正朝李慶兼督 建安樂營居夫

匠有乙未遣官巡視河道 閏五月丙辰朔 汀

州賊劉聖孫交趾賊阮貞伏誅 禁僧尼私建菴院

六月乙酉朔 交趾黎核潘強等作亂討斬之

內使張謙汎海下西洋遇倭于金鄉衛海上戰敗之

賜勅賞勞 七月甲寅朔 賜 皇太子務本之訓

勅令與儒臣講明 戊寅壽星屢見 八月甲申朔

甌寧人進金丹及方書斥而毀之 福建沙縣賊

陳添保等嘉興賊倪弘三等皆伏誅 壬子安王楹

薨無子 九月癸丑朔 蘇祿國東王巴都答刺歸

次德州卒賜祭葬以王禮勅立其子都麻舍 再定

應天江北養馬例其各處馬死者俱免追 丁卯孔

廟工畢 上親製文刻石 己巳前吳王降虜人允

燭卒 交趾賊首楊進等悉平 十月三日乙酉遣

刑部員外郎呂淵使日本還其盜海人賜國王源義

持璽書戒之

明年四月還國王訓罪

十一月壬子朔 賜朝

鮮國王李芳遠金幣加厚并及其妃

以勤修職貢

壬申

金水河及太液池冰凝具樓閣龍鳳花卉之狀奇巧

特異禮書呂震請賀不許 召前禮部尚書趙玘爲

兵部尚書巡視塞外屯戍兼理軍務 陝西進玄兔

十二月壬午朔召大同總兵朱榮還京

以不遣哨騎

永樂十六年戊戌正月壬子朔 上在北京 丙寅以

玄兔圖及群臣賀表詩文賜

皇太子

戒以端不足責每直言則

德日貴好談
言則過日增

誅浙江僉事石魯

巡松門衛醉不設
簡倭寇至遁城陷

大觀廷劾宥之賜勅諭 交趾餘孽黎利復叛

二月壬午朔御史歐陽和撫隨州棗陽流民散之

侍讀學士曾榮侍

讀王英主會試

禮曹郎中秦學政罪誅

貴升
及除

孝義二十一人 三月辛亥朔 策貢上董璘等二

百五十人賜李騏劉江鄧珍以下及第出身

騏初名
馬特賜

名

選周敘等十六人爲庶吉士 太監海童還自

瓦剌賢義王等再入貢順寧王馬哈木子脫驪請襲

父爵許之仍以海童往冊 戊寅姚廣孝卒 四月

辛巳朔 勅戒周王

侯賓盛瀛戴匿
李景隆家人

己酉代王悔

過復其護衛 五月庚戌朔 高皇帝實錄成

御殿以受

令別錄彙古今通集庫額實有差

昌平妖人劉化伏誅 倭掠金

山衛 文淵閣大學士胡廣卒 太和山產靈芝

數十

百 復代府官屬 以刑部主事李時勉為侍讀陳

敬宗為侍講 六月庚辰朔 詔纂修天下郡縣志

書 禮部侍郎胡濙至南京

遣使皇太子

七月己酉朔

交趾布政莫勛等獻家丁五百人助營建 上以

大工將就緒地遠勞人賜鈔遣之 勅責陝西布政

司官賑荒 靖州賊王忠伏誅 贊善梁潛司諫周

冕以輔導有缺下獄

尋皆坐死

丙子朝鮮國王李芳遠

以世子禔驕恣不肖第三子徇孝弟力學請立爲嗣

從之

明年六月以老請開理國事亦從之封徇爲王

八月三日庚辰滄州

進白兔

遼東總兵劉江請築堡望海埭從之 九

月戊申朔

戊辰修北嶽恒山廟

十月丁丑朔

令京城凡盜馬者斬

交趾總兵李彬貢白象一黑

象十七

定僧道常額及限年之禁榜諭天下

保

定侯孟瑛往浙江祭海神

風潮久爲害祭之頓息

十一月令

侯伯年少者入國學讀書

十二月丁未朔

武當

山宮觀成賜名曰太嶽太和山親製碑文紀之

安

定王尚炆狂諄有異謀爲人所發召入京詰問

戊

子申嚴官吏犯贓之禁 江南始民運白糧

永樂十七年己亥正月 上在北京尚炆至京訊實發

為庶人 太監海童還自瓦剌虜貢馬謝恩 乙亥

命平江伯陳瑄專理漕運 二月丙子朔 新安伯

徐亨備大同外邊 立典和以外烟墩 三月乙巳

朔 中官李信賜哈密忠義王綺帛及其母妃部屬

西域使人往還所經 丁酉為善陰臨書成親製序

刊行 頒于天下命禮部科舉 辛酉誅左覺義張客

里麻 并其父顯傳 都督吳成尚書趙和視牧地于

保安州 命行太僕少卿主之 四月乙亥朔順天府進白鳥

五月乙巳朔 黎利敗走老撾 六月甲戌朔 遼

東總兵劉江圍倭于望海埭殲之 聖書褒諭召入

京 量調江淮民輸運淮安臨清 以營造留用運軍 七月

官軍自西洋還 御製佛曲成頒賜 黎利復掠磊

江敗走 八月 交趾土官潘僚叛戰敗走玉麻州

九月癸卯朔 列僊傳成 丙午滿剌加等十七

國入貢 乙酉西安進嘉禾 有一莖至八九穗者 劉江

至封廣寧伯世襲 初名榮其父名江有疾代役從父名至是復舊 丙辰卿

雲見群臣請賀不許 丁巳哈密等處及回回滿剌

撒丁使臣貢馬三千五百餘匹 減貴州中鹽米八

斗爲二斗 召採木尚書宋禮還京 十月擒斬交

趾叛寇范軟 十一月辛丑朔 劉榮仍鎮遼東 明年

四月 阿魯台襲賢義王太平等大破之 丁巳甘

露降 孝陵松栢三日 拓北京南城 十二月庚

辰令在外死犯悉送京師審錄 交趾總兵李彬屢

破叛賊俘獻京師 己丑御史鄧真言十事 指摘奸弊

上嘉內下所司毋再犯 楊榮所具 上悉蒙 然今真上而行之 庚寅

肅王模薨 命吏部慎選交趾官員 御史黃宗載之奏

永樂十八年庚子正月 上在北京 閏正月楊榮金

幼孜並文淵閣大學士兼學士 固安縣民王普順

坐妖言誅 以交趾盜賊責問總兵豐城侯李彬

二月己亥朔 山東蒲臺妖婦唐賽兒作亂招撫之

不服命安遠侯柳升討捕 三月己巳朔 詔在外

夫匠營北京者悉復其家 柳升圍賊寨破之賽兒

逸去 賊圍安丘都指揮僉事衛青大破之王真亦

敗賊于諸城殲之 山東賊悉平賽兒未獲切責柳

升其餘賊首皆伏誅升被劾下吏

以賽兒未獲命在外尼姑悉送京師

五月戊辰朔 榮昌伯陳智贊交趾軍 交趾叅

政侯保馮貴討賊皆戰死 六月四日辛丑孝順事

實書成親製序頒行 丙午北京地震 己酉陞陳

誠右叅政同中官郭敬再使西城 七月丁卯朔

黔公沐晟來朝進白鹿 丙子貴妃王氏薨 八月

丁酉朔日食 九月丙寅朔擢教授蘭從善林長懋

等爲編修侍 皇太孫 北京宮殿將成命夏源吉

召 皇太子期十二月終至北京 中官侯顯使西

域 丁亥諭禮部明年元旦定北京爲京師去行在

之稱 乙未青州府諸城縣進龍馬 十月召周王

橚 衛卒丁傳三 癸卯甘露降 孝陵松栢 十一

月諭各部悉改用新京事宜 收舊印藏內 定都論

各王府 戊辰御新殿受朝詔天下 華北京苑馬

寺 乙亥召 皇太孫于南京期與 太子同至京

壬午革北京行部并所屬六曹清吏司 己丑

皇太子過鄒縣賑饑

民拾草實為食自人民令見民疾苦命有司亟發粟

曲

陽縣妖人楊得春伏誅 十二月陞李慶工部尚書

王彰右都御史 甲寅封右都督郭義安陽侯薛祿

陽武侯都督僉事金玉惠安伯薛斌永順伯世襲

己未 皇太子 皇太孫至北京 新宮成

悉如南京血高

故北麗過之復于皇城東南建皇太孫宮東安門外建十王邸

永樂十九年辛丑正月甲子朔 上詣 太廟奉安五

廟 仁孝皇后神主 皇太子詣 天地壇 皇太

孫詣社稷壇黔公沐晟詣山川壇各安石主畢御奉

天殿朝賀大宴 阿魯台入貢其使人要劫行旅戒

戕之

虜自是驕蹇朝貢不至

甲戌郊

戊寅頒詔大赦天下

定各蠻夷朝貢賞例務從厚悉依品級 壬辰魏

公徐欽來朝遽辭歸黜爲民歸鳳陽守塋 癸巳忽

魯謨斯十六國使臣還仍命太監鄭和偕行賜其國

王 二月 都督胡原梁銘捕倭 周王橚至京詰

問得實宥之尋遣還國 三月十一日癸酉會試

在坊

大學士楊士奇侍讀周述主考得薛瑄劉球于謙

丁丑策貢士陳中等二

百一人賜曾鶴齡劉矩裴綸等及第出身有差 四

月八日庚子三殿災下詔罪已求直言 侍講李時

勉等上封事者十餘人皆嘉納之 誅主事蕭儀

以言

還都不便
修有之

乙巳下詔問軍民疾苦悉除政令不便

者 禮部侍郎儀智致仕 聖節免賀 勅塞義等

二十六人巡行天下安撫軍民 丙辰古麻刺國王

辭歸卒于福^福建賜諡康靖以其子嗣王 五月選僧

恕等十五人爲庶吉士 周王辭三護衛從之 令

交趾屯田 節婦三人 六月 以阿魯台將寇邊

命諸將嚴備會兵仍運糧口外 七月 丁卯嚴自

宮之禁 己巳 上將巡邊柳升領中軍大營餘仍

分領謀阿魯台北遁罷徵兵 八月辛卯朔日食

仍會兵明年春集京師 節婦四人 九月 交趾

獲賊首楊恭送京黎利復走老撾 十月 十一月

庚申朔查勘兩京及天下庫藏山納之數 置邏騎

營于古北口之北 丙子以北征議餽餉下尚書夏

原吉吳中下獄方賓自殺戮其屍 辛巳侍讀李時

勉下獄 命山東西南北直隸造車發丁壯運餉集

宣府 十二月 改李慶于兵部

永樂二十年壬寅正月己未朔日食免朝賀 二月

除烏程縣戶絕田糧二萬九千有奇 考察賊汙官

吏俱謫戍邊 乙巳定議大軍前後二運 三月戊

午朔阿魯台將犯興和 丁丑親征 告廟 皇太

子監國戊寅 駕發京師 虜遁徐進兵 四月丁

亥朔 上在宣府盡收虜馬入城 五月丁卯 駕

次隰寧大閱製平胡三曲 庚午召諸大將馳射營

中 辛未 駕發隰寧次西涼亭 前元往來 乙酉

駕次開平 六月十一日丙寅 上次祥雲屯 方駐 丙紫

雲如蓋見 晉南陽名 七月四日 上至殺胡原阿魯台遠遁

悉收所棄駝馬牛羊輜重旋師討兀良哈諸將分道

疾進 上以精騎自西擊之及虜于屈裂兒河大破

之斬獲幾盡收其餘衆降者皆釋之 南北直隸山

東河南水災 皇太子免其芻糧數十萬 乙亥工

部尚書宋禮卒 丙子 上至大營 八月乙酉朔

上次清漢川 壬辰 上次威遠川伏兵殿後餘虜來

追夾擊斬獲大半 戊戌 上次玻璃諸將先受命

盡掃虜穴而還 令交趾罪人皆納贖

皇太子從黃福之請

庚子 上至武平鎮 皇太子遣人迎駕 以破虜

詔天下 內官鄭和還自諸番皆隨和朝貢 皇太

子定官吏考滿不給山服滿不起得代不赴因事赴

京不還任者悉發保安充軍

以其群聚鄉黨爲害也

九月乙

卯朔 上次榆林 丁巳度居庸關羣臣迎 駕

壬戌 上還京師御門表賀 下楊士奇錦衣衛尋

釋之 鴻臚寺丞劉順刑部左侍郎楊勉及吏禮部

尚書蹇義呂震坐事皆下獄 士奇輔導有司順奏事失制勉故出其弟震係

主事張鶴朝奉失儀 皇太子以震故宥之義在側不言故也 疏通鈔法 封前

鋒都督朱榮武進伯世襲 薛貴為安順伯 十月

分廷臣檢天下倉庫及出納之數 十一月十

二月辛亥釋劉順復官 餘以次皆釋復官 閏十二月二十

五日戊寅乾清宮災

永樂二十一年癸卯正月癸未朔 召寧陽侯陳懋及

諸大將至京 二月壬戌蜀王椿薨 討平廣西峒
賊 瓦剌脫驪攻阿魯台敗之 三月辛卯盜入南
大祀壇天庫盜蒼壁二黃琮一 御史王愈刑部錦
衣衛官四人會決死囚誤殺無罪四人命執愈等償
死即日棄市 四月 五月指揮孟賢彭旭謀不軌
立趙王總旗王瑜告變鞠實皆伏誅 六月庚戌朔
日食 七月三日壬午立朝鮮嫡子堧爲世子 諜
阿魯台將犯邊嚴兵料軍實 釋李時勉復官 壬
寅 駕發京師 甲辰次土木諸將大會 乙巳軍
士取田穀飼馬立斬之 八月十六日甲子 上在

萬全禮部左侍郎胡濬進太和山瑞光圖 乙亥

上次沙城召晉族人濟燔及其子美圭入見封美圭
平陽王奉父就國資給之還其舊人并釋餘黨連逮
者 九月 諜阿魯台爲瓦剌所破命諸將勒兵緣
邊取進止 宥廣西降賊梁羅八爲民 庚子有星
如月火光燭地起自壘壁行至羽林軍沒 十月平
江伯陳瑄請漕糧分三運兩赴京倉一貯通州 皇
太子從之 甲寅 上次上莊堡寧陽侯探虜敗北
走也先土于來歸馳書上聞命厚撫之 甲子 上
次天城觀獵 也先土于入見封忠勇王賜姓名曰

金忠詔班師 皇太子遣定國公徐景昌表賀 十

一月四日辛巳入居庸關 甲申 上至京師朝賀

節婦十三人 乙未進曆頒賜 十二月 朝鮮

遵詔貢馬萬匹厚賜遣之 是歲交趾貢獻獨羸

永樂二十二年甲辰正月 諜阿魯台將寇邊 勅諸

將整兵 戊子郊 二月 長興縣賊首吳貴等伏

誅 戊辰楚王楨薨 三月丁丑朔 策貢士葉恩

等一百五十人賜邢寬梁禔孫曰恭以下及第出身

侍讀學士會榮侍講余鼎圭試得軒輊耿九疇 大閱部署大營五軍 丁

酉滿刺加國王率其妃來朝

四月辭還厚賜遣之

選徐賢等

六人爲庶吉士 甲辰天禧寺將成賜名人報恩寺
親製碑文 四月三日巳酉親征發京師 皇太子
監國 庚午 上次隰寧謀報虜遁命諸將速進
五月八日壬午遼王植薨 丙申 上次清平鎮卽元
應昌路 浙閩盜起撫定之 六月十日甲寅 上次

金沙磔 庚申次天馬峰虜遁遁分兵大索進駐答
蘭納木兒河上 壬戌次蒼石岡分索山谷週迴三
百里無所見 進次連秀坡諸將抵白印山無所遇
糧盡還分兵兩路南歸 七月七日 上次清水源
勒石紀行 巳丑 上次蒼崖不豫下令嚴備明日

次榆木川大漸命傳位 皇太子 辛卯 上崩大
學士楊榮金幼孜太監馬榮鎔錫爲棺殮畢載以龍
輦朝夕上食如常儀楊榮馳報 皇太子 壬辰龍
輦至武平鎮西路兵皆至 八月癸卯朔度開平
甲辰楊榮宣遺命 皇太孫馳開平奉迎 巳酉次
鵬鶚 皇太孫至御營發喪 壬子龍輦至京奉安

仁智殿

在武英殿後

十二月葬

長陵

國史曰 上外嚴內仁而雄才大略條理精密知人善
任使推誠待人凡委用浸潤所不能間諂諛之人終見
陳斥矜過誤畧小罪聽言之際明睿所照不待其盡洞

見底蘊臨幾到果裁制大事數語而決重刑獄死罪至
五覆奏用兵善以少擊衆機智如神臨敵對陣意度閒
暇至於決戰氣勢橫溢率身先赴敵未嘗有傷雖善用
兵而不以殺爲主至不得已殺之必累日弗樂旣卽大
位勤于政務早晚臨朝率漏盡十刻乃罷水旱災傷必
遣人巡視賑恤邊警軍機雖夜中必興召羣臣定議行
之愛重名爵遇災變必求言雖賤局有所陳皆得造榻
前自達博學好文自著書貽子孫勸累萬言祭祀誠敬
齋戒必慎旦暮必謁奉先殿厚於宗室諸弟姪越禮法
者必訓諭使改不曲爲隱曰庶幾保全之也嚴肅宮壺

宦寺小過必懲保全功臣敬老重賢禮遇儒者萬幾之
暇相與論治道甚決洽臨軒策士屢擇其尤者命就文
淵閣盡出中秘書俾進學而親飭勵之進士中有才識
者不次擢用性不嗜酒嘗服澣濯衣雖小物愛惜不妄
費卻禮官請封禪數因祥瑞請致賀必降勅戒諭晚有
疾鮮御外朝政悉赴皇太子決之至軍國重務必親
裁曲當一循太祖舊規申明制度修述禮樂躬謁孔
子幸太學表章正學集四書五經性理大全垂訓萬世
德威廣被四裔君長無間大小遠邇朝覲貢獻請授官
爵於闕下者無虛日安南爲逆一舉蕩平獨北虜反覆

數爲邊患親率六師征之驅諸絕漢之外虜遂不敢南
嚮蓋唐虞三代以來若漢之高祖世祖唐之文皇宋之
太祖其寬仁大度聰明文武閎遠之規乾剗之用 帝
皆兼而有之是以功勲之盛前古鮮儔焉

臣譚希思曰 文皇天錫智勇德備聖神嗣 高皇
統緒克勤克慎懷保小民嘉與萬姓共躋仁壽奠基
北京休祥昭應民安物阜四夷畢來此其神謀睿算
真有預決于萬里之外以成千古所無之功而三邊
永寧天下蒙福所謂武烈弘靖于華夷者也至其簡
東宮官則有文華寶璽立 皇太孫則命大臣輔導

脩經書性理以明學術刻名臣奏議以擴言路求遺
書著大典以廣經濟頒爲善陰厲孝順事實以秩倫
紀命陳瑄兼江淮轉運命宋禮濟會通舊河簡任名
賢遇災頒赦恭儉愛人再奠邦家此又其文治之光
昭于日月者當時若鄒緝之清邊頌解縉之四夷咸
賓詩序與夫楊士奇之進實錄表言人人殊而所以
名狀神武歌咏駿烈者則至今讀之有餘慕焉

臣何喬遠曰 明興二百餘年於茲臣子論及 成
祖尚有武未盡善之疑豈知 高帝閔謨遠烈非
成祖繼之則都必不北虜必不威四夷必不賓服中

外制度必不晏然一尊於後世夫拘繫之行豈所以
論上聖之主哉 成祖居然以唐太宗自擬有唐家
法則匪我儔蓋湯武耶蓋湯武耶

臣國禎曰湯武革命順乎天而應乎人至 文皇再
見抑湯武所遇桀紂以臣加君猶有慚德 文皇所
遇 建文仁主也君臣而叔侄雖兵戈倥偬中生也
稱臣歿也禮葬比南巢之放黃鉞之斬何啻天淵然
則誅夷之慘諸臣實激成之諸臣不得不激捐九族
植綱常無負 建文 文皇直曰革除云爾心知威
能行一時不能行後世日急急續 太祖之舊緒無

頃刻敢自懈 祖訓云皇帝之勞不若親王之逸其
信然矣然則兵之起也以救死得聖之權二十二年
之經營以光大業得聖之時諸臣之僇也以定人心
得聖之威威而過焉者也均一聖人有揖讓有征誅
因時升降難以執一于是漂杵生疑頑民爲梗能不
失時無欲害人者本心不受人害正以安天下則其
作用也

補遺

八年正月築北京至居庸關舖舍關內關外每三十

里築烟塹一所 茂州衛軍沈連上言二事舊制禁
綿布不許販出境今茂州疊溪距松潘產馬及通番
商人處甚遠綿布一槩禁約軍士無以爲衣但申嚴
出境之禁許綿布得至茂州疊溪庶幾軍士有以禦
寒又言茂州古成都屬郡皆兩川流移頗知禮法不
同生羌乞開學設教沐浴聖化悉從之

三月滁州知州陳璉治最 皇太子召至京州民赴
闕乞留特陞揚州府知府仍掌滁州事賜宴襲衣及
幣

五月司業董子莊啟請如南監例置典籍一員專掌

書籍 皇太子從之

六月北京監察御史鄒師顏劾御史白春巡視驛傳受賄 皇長孫命都察院鞠之

八月以朝鮮國王李芳遠獻馬萬匹助北征遣中官田嘉禾海壽資勅并白金千兩紗羅千疋綵絹五百疋賜之

十一月倭寇福建攻破大金定海二千戶所及羅源等縣殺傷軍民平海衛百戶繆真戰死都指揮童俊等不救下法司治

九年正月工部久留班匠執郎中以下鞠問尚書宋

禮戴罪理事

二月 詔諭交趾永樂九年二月以前嘯聚山林者赦罪稅糧停徵三年

三月有縣官坐贓罪謫戍邊以年踰七十擊登聞鼓乞哀當改過自効宥之爲民 給事中張昭鄭傑周岐俊坐事俱謫交趾克吏 民有盜勸善書者戍邊以非盜財免罪 掌府事成國公朱勇魏國公徐欽定國公徐昌吉永康侯徐忠布都督郭義監試襲職武官縱家僮奪弓槊治罪勇等姑不究

四月交趾叅政劉本言三事嘉納之一言交趾新附

未知 朝廷禮教寬以撫之二選老成廉謹之士除
郡邑庶撫綏有道夷民得安三選有學行者典教俾
其子弟習知中國禮義之化變易夷俗

五月董卜韓胡頭目南道遣人朝貢且言容隆蒙謁
門二招討侵掠鄰境請兵正罪 賜綵幣降勅責令
改過不悛發兵未晚

閏十二月虜酋阿魯台遣使納款請併屬女直吐蕃
諸部不許

十年正月 命朝覲官各上政務六部議行 陞國
子司業趙季通董子莊爲趙府長史

二月命禮部尚書呂震諭考官楊士奇金幼孜以前數科取士頗多不免玉石雜進今務精選收散木累百不若得良材一株也

五月都督費義督運輝館陶倉粟二十一萬四千餘石赴德州

八月皇親徐赫匿避民治如律

十二年二月 上朝退坐右順門所服裏衣袖敝納而復出侍臣有贊聖德者 上歎曰朕非不知三公布被之譏但念當惜福昔 皇妣躬補緝故衣 皇考見而喜曰勤儉如此正可以爲子孫法故朕常守

先訓不敢忘耳

十三年三月禮部請賀大巖山呼萬歲不許

十四年正月琉球中山王思紹遣侄三吾王良璽貢馬及方物謝遣使不謹之罪 賜鈔幣遣還

三月貴州普安宣慰慈長謀占管長黃暹阿賽地方私置金鼓旗幟火器聚衆殺掠強取人民囉囉妻爲妾不從遂殺其夫閹其子 命布政使孟驥勘視慈長復領兵萬餘圍驤驤以計擒之解京死于獄 修龍虎山上清宮及懿真觀

十一月周王桢楚王桢遇節謁 孝陵命東官皇太

孫及小皇孫陪謁欽定位次行之 上召楊榮楊士
奇金幼孜皆至問展敬之位如何朕意雖略定爾三
人試言之楊金未對士奇曰二王尊屬當列稍前兩
傍東宮列稍後居中皇太孫亦居中列東宮之後諸
皇孫與皇太孫同班分列兩傍遂出 宸翰所書位
次正合

十六年三月初命民運蘇州等府白米

十七年六月初山西沙淨州抹石青用功多而所得
甚少忽見青蛇隨所往二百餘步不見夫役發其下
得石青加倍其色更鮮明指揮李謙繪圖以獻

十八年閏正月擢薦人才馬麟等十三人爲布政叅政叅議等官

十九年六月西僧大寶法王來朝或請駕親勞以夏原吉言止之右都御史王彰巡撫河南時有告周府將爲不軌者上欲及其未發討之以問彰彰曰未有跡討之無名上曰非爾所知也兵貴神速使出城則費力矣彰曰以臣之愚可不煩兵但得御史三四人隨臣以往足矣臣請任之然須奉勅以臣巡撫其地乃可於是彰奉勅往巡撫旣至黎明直造王府王驚愕延彰別室問所以來者曰人告王謀叛

故王驚跪彰曰朝廷已命丘太師將兵十萬將至矣
臣以王事未有跡故來諭王王舉家環哭不已彰曰
哭亦何益今但速求所以釋上疑者王曰愚不知
所出願公教我彰曰能以三護衛獻上則可無事王
從其教彰乃馳驛以聞上喜彰出示護衛軍三日
不徙者處斬不數日軍散果不煩兵

二十年閏十二月免發江西建文時垛集民兵

從楊榮言

二十二年八月皇太孫馳赴開平奉迎龍輦京師
諸衛軍皆從征惟趙王護衛軍留京師浮議藉藉處
爲變秘未發喪皇太孫瀕行啓皇太子日出外有

封章白事非印識無以防偽 皇太子顧楊士奇以
行急新製不及爲言對曰殿下未踐祚居喪無所事
東宮小圖書可假之行卽取付太孫以有啟事以此
封識此亦不久當歸汝就留之

存疑

文皇十五年多病建靈濟宮祀徐知謬徐知證當日必
有所感必有效驗故興此宮在 皇牆之西甚壯麗
歲易衣且致祭說者謂二人偏霸之孽何能爲神何
能起 真主之病抑天之所佑必有托焉以見奇豈

必佛與神自下世訢顯爲之耶

文皇建邸因元故宮卽今之西苑開朝門于前元人重
佛朝門外有大慈恩寺卽今之射所東爲灰厰中有
夾道故皇牆西南一角獨缺 文皇卽故宮建奉天
三殿受朝海子水環于東南汪洋極目雜以古木樓
殿掩映其間宛似圖畫永樂十五年後改建于海子
之東爲今 正朝闕其前直接正陽門水繞 大內
東偏又東自北注南出玉河橋故 大內西寬而東
隘人聲喧噪達于禁中宣德七年移牆外居民于灰
厰前改 皇牆于河東進東華門百餘步石砌凸起

名曰橋上內使房在其北俯欄見水甚可觀蓋水之
人行曲折處皆砌以石踏之𡗗𡗗有聲者卽是也
文皇遣胡濙實是訪張三丰只因老僧一言歸之建
文當日建文聲息皆在雲貴溪至湖廣而止明明
三丰曾到武當故有此行今其鐵笠猶藏山中大如
傘已略有破碎矣

西洋之遣亦因高皇之緒而申之太倉原有張氏
所存海船兵亦不少旣與海相習便與海寇相通倭
亦乘之內犯遂因盡驅之出洋洋中諸國與西域相
望陳誠李達等從陸鄭和等從海和之行亦歸之

建文聖人行事決非爲一端而發因之諮訪理亦有之建文仁弱帝座一傾竄入蠻夷中其何能爲文皇豈見不及此乃搖于聲影有此舉動溥洽綱而不殺姚少師片言卽釋宋鄭二氏皆得保全惟窮治萬黃之黨則疑有不釋然而它未聞波及也至謂珍奇克初天府則聖人所重斷不在此

文皇遲迴方立東宮後以高煦之譖遷怒宮臣勢不無岌岌十五年樂安之徙已拔禍根十九年召入北京事已大定復有擁立趙王之謀趙非上所寵數經裁抑卽奸人何所見何所仗而生心其事由于王瑜

之告變而初無實跡之可指也傳中謂瑜將死親見孟賢等圍守如田蚡于灌夫竇嬰故事則此獄未可爲定且其謀只欲俟官車晏駕矯詔爲之事何容易幾于兒戲矣看來 文皇四子東宮仁慈又能明斷漢王狼戾不可訓誨趙王暗弱爲人所弄最幼者殤皆 文皇后出他姬不聞有子 高皇少年貧困鄱陽之戰年方三十七歲此後不復親兵事年六十六猶生子 文皇少年富貴中年用兵至勤苦頻危數四艾年後出塞者五因之多病子亦甚稀

皇明大政記卷之九終

皇明大政記卷之十

少師建極殿大學士臣朱國禎謹輯

大明仁宗敬天體道純誠至德弘文欽武章聖達孝昭
皇帝

太祖洪武十一年七月二十三日

上生於鳳陽

御諱高武

太宗文皇帝第一子母

仁孝皇后徐氏是夕

皇后

夢冠冕執圭者上謁寤而生自幼沉靜端重言動有
經喜讀書日從諸儒論說不厭騎射精絕既冊世子
太祖特召秦晉周燕四世子親教之命分閱皇城衛士

還奏獨後問故對曰旦寒甚軍方食候畢乃閱太
祖以能恤下人甚喜又命分閱章奏取關大計者以
白略其語字謬誤者太祖指示之對曰小過不欲
瀆天聽嘗問堯湯以水旱民何所恃對曰恃聖人恤
民太祖甚奇之曰孫有人君之度矣北師起居守
勒兵撫民人人畏悅李景隆引大眾來圍文皇在
大寧悉力拒敵數出勇士砍之退營數十里文皇
至合擊大破其衆時二郡王高煦從軍三郡王高燧
同留守宦寺黃儼黨趙王離間譖上將以北平應
南京漢王因而責之文皇未信會南京用計密書

來投 上不發立械其使并書送軍中而儼已先報
太宗大疑會 上所送至乃歎曰幾殺吾子謀不得行
江上之戰 文皇殊憊漢王率胡騎至激厲使戰曰
事成天下爲汝有漢王決死進敗南兵渡江功成羣
臣請立 皇太子 文皇猶豫久之而淇國公丘福
以元功黨漢用力勢危甚然終以天序難奪 太祖
所立徐妃孝敬及學士解縉力言不可嘗題虎顧衆
彪圖大有感悟又曰好聖孫蓋指 宣廟也二年四
月始正位東宮高煦快快謀益急會丘福敗沒在外
姦黨稍散而黃儼等日侍左右爲蜚語陷死解縉高

煦日益橫 上覆霽日益至 文皇微聞之久乃得
實高煦徙樂安州事始定黃儼等又奉趙王伺 上
過失 文皇終以 上性緩不似已意嘗不憚追胡
浹往南京密察會以北征迎後且失辭遷怒輔導官
下獄有死者 上益恭謹惴惴盡于道浹還分析
上仁孝誠敬者七端 文皇悅十八年三殿成召
太子 太孫會朝正而儲位大安趙王事亦敗二十
二年 文皇北征疾甚口自語曰太子賢孝賢孝若
面命云八月初二甲辰報宜遺命 上哭慟幾絕強
起拜受遺 太孫迎喪授監國印大臣議喪禮分召

大營兵精銳者先入京以下番軍鎮南京釋夏原吉
于獄同議典禮壬子龍舉至京易梓宮

丁巳上即皇帝位大赦改明年為洪熙元年

赦凡三十
五條大學

士希士奇代草如下西洋諸番等國寶船及雲南取
寶石交趾採金珠香貨各處買諸色紵絲紗羅段及
書畫通西撒馬兒等處取馬并鑄造銅錢燒造磁器
梓辦梨木板進供諸品海味菓子等項悉皆停罷

戊午賜從征大臣鈔幣分掌五軍都督府

釋黃

淮楊溥吳中金問楊勉皆復官

原吉中勉繫內官監
四年餘溥衣獄十年

夏原吉以母制乞終喪不許

諭吏部尚書蹇義

曰三公三孤

皇祖舊制可復設命義為少保英公

張輔為太師皆兼二俸大學士楊士奇為禮部侍郎

兼華蓋殿金匱校戶部侍郎楊榮太常卿黃淮通政
使俱仍內閣楊溥爲學士金問爲修撰諭盡心奉職

減歲例粟四十萬斤惜薪司奏賦八十萬斤士奇
言詔下幾兩日今得無過多雖是歲例然 詔書所
減除者皆是歲例 上喜曰學士言有理日來官中

叢脞此急遽中不暇致審卽命減除四十萬又顧蹇
夏及士奇曰汝三人吾所倚非輕但有事須盡言庶

幾輔吾不逮 調工部尚書李慶于兵部禮部尚書

金純于工部 謫前工部侍郎伏伯安荊門知州

伯安

皆本在通州驛舍奸驛丞姜丞寬執姜至伯安前殺
之事聞前築城至是遇赦當復 上以爲微特黜

以李至剛為左通政

至剛先為禮部尚書降郎中尋坐事下獄十餘年矣

都指揮僉事牛諒有罪戍交趾

初上命諒從武安侯鄭亨鎮守大同諒揮

行且不樂屬人即能奏曰令臣往治事乎抑為諒乎

上曰朝廷重違朕命爾從總兵大臣處幾有贊畫之

益顧為諒是何等語朕初即位爾敢方命不恭如此

將朝廷不復使人耶命公侯大臣雜問之遂奏諒懷

詐不忠無人臣禮法當誅上曰不必誅亦不可用遂有是命

加沐晟太傅大

行皇帝冠服賜漢王趙王尋召漢王入京汰文官

冗員黜給事中十三人為縣丞

先以職事不謹皆得罪至是遇赦

上以禁近官所係非輕特然

定盜鈔罰贖則例

勅議大行尊

諡加寧陽侯陳懋太保成國公朱勇等居大行

喪違禮被劾悉免官議罪尋宥之尚書郭資以病并

宥侍郎而下悉赴法司論罪尋皆改降定公徐景昌
以 皇妣之姪當陽侯李茂芳 皇考外孫不知禮
送國學讀書 周王楠奏請臨喪止之 九月癸酉
朔以鈔法阻滯定用鈔中鹽則例 黎利復還寧化
州僞求降不出都督方政與戰不利指揮伍雲死之
都督梁銘鎮寧夏 弛西山樵采之禁 交趾貢
玄鹿 召還交趾掌司尚書黃福以陳洽代之 行
人方彛使琉球 黃河汎溢免河南田租勅右都御
史王彰往撫軍民

壬午上大行帝后尊諡

癸未禮部尚書呂震請卽吉

不許

喪滿二十七日請視事羣臣從吉不許用素冠麻衣

追諡遼王

植曰簡

增諸王祿米

厚賜漢趙二王以下

命

交趾鎮守中官山壽勅諭黎利授清化知府

壽為所欺力請

得之

誅光祿寺丞蕭成署丞王鼎罷光祿卿并泉為

民

時泉奏歲闕請遣正官往南京采用王面經上曰爾小人不達政體朕方下詔悉罷不急之務休

息百姓爾乃欲以飲食輕故失大信耶御史遂劾泉

成及署丞王鼎赦後盜內府物法當斬方擬請罪之

而泉預謀引避上曰其罪當斬者非止此在先帝

時欺天罔上造偽旨間吾父子播磨無辜立命斬成

鼎免泉死為民召前

漢王辭還

指揮同知陳忠

與黎利戰死之

襄城伯李隆守備南京

總運平

江伯陳瑄上七事降勅獎諭

免富陽侯李茂芳為

庶人追其父讓駙馬國公誥券

以在先朝嘗有逆謀也

寧王

權欲來朝且請改封不許 加隆平侯張信少師進

蹇義少傅楊士奇少保楊榮太子少傅金幼孜太子

少保各賜銀圖書一曰繩愆糾謬

後夏原吉賜同

衍聖公

孔彥緒來朝

召西寧侯駙馬宋琥來會山陵 和

寧王阿魯台復入貢

賜文武軍民人等鈔幣 定

安山先等處劫傷使臣勅都督費獻下所在按問

御史金岸上四事

上納之

加忠勇王金忠太子

太保

十月壬寅朔

天寒命光祿寺每三日一賜

衛士酒肉

浙西蘇松水災糧一石輸布一匹 革

兩京行用庫 普加文武大臣東宮保傳賓客春坊
官 行輸鈔贖罪法 甲辰賜衍聖公孔彥縉宅于
京師 復徐欽魏國公 簡監生二十八人分六科
隨朝歷事

已酉冊皇后張氏及貴妃郭氏賢妃李氏惠妃趙氏淑
妃王氏并趙王妃翁氏

壬子立 皇太子次瞻埈鄭王瞻墉越王瞻垠新王瞻
璿襄王瞻烱荆王瞻塽淮王瞻埈滕王瞻圻梁王瞻
埏衛王漢世子瞻坦趙世子瞻埈詔告天下 內外
官訪舉才德仍嚴連坐之法 大理卿虞謙上七事

行之 始運江北米補京糧 大學士楊士奇楊溥

金幼孜會法司審決重囚 戊午免遼府安遠王貴

爕巴東王貴烜爲庶人 以誣告其父且死不奔喪 送岷王榘父

子居武岡州歲給祿千石 增在京軍官士卒各色

人月米 留僉事胡廩爲右副都李謙爲大理少卿

禮部侍郎胡濙言十事 上嘉納之 工部尚書

金純刑部尚書吳中換職 文武官一體封贈祖考

先只 十一月壬申朔諭禮部建文得罪家屬悉宥

爲民給還田土言事謫戍者并宥 以卽位詔諭哈

密忠義王 阿魯台再入貢 上以挾詐劾大同總

兵鄭寧嚴備并諭遼東宣府諸鎮 勅廷臣極言得

失 趙王獻左右二護衛 諭寃大二縣官恤民

水御史貪黷 造內府守衛軍銅牌 刊印祖訓遍

賜諸王子孫 內官馬騏請往交趾采辦金銀不許

應天府歲收積薪竹木蘆柴易昏軟舊鈔 降副

使趙緯爲典史

緯先爲給事中奸擬人過失及末朝上曰此蛇蝎降之

御史

湯燮等十四人分巡天下考察官吏 御史陳正倫

言三事議行

一修城垣一減稅課一增文武官俸給

加各長公主號

及章祿 陞鳳陽府照磨李準爲太子賓客兼兵科

都給事中

上在東宮準爲詹府錄事官責勤事議之至是改官擢用

加郭資太

于太師致仕賜勅復其家 進寒義楊士奇而下官

銜俱給二俸 增楊士奇等五人誥詞 日勿謂崇高

有所從違而或怠士 定靖江王子孫班駙馬都尉

之次 禮臣請冬至節御正殿 上以山陵未終不

許 以孟賢逆謀奪其兄保定侯瑛爵謫佃雲南

令屯田軍士不許擅差 給事中郭永清言五事從

之 一開田園二清士伍三免差內官四行 都督方

政同築昌伯陳智鎮交趾 學士楊榮少傅楊士奇

密疏言事 上嘉納獎諭 庚子安遠侯柳升楊武

侯薛祿平江伯陳瑄皆世襲 魏公徐欽卒 封張

昶彭城伯

皇后之兄

十二月壬寅朔建文中齊黃外親

全家謫邊者每家存一丁于戍所餘放爲民給事

中黃驥言西域貢使多賈胡乞禁約辦明下禮部知

之巳酉瓦剌賢義王太平貢馬命皇太子選

武職官書各省三司官姓名于奉天門西序罷

海子至西湖巡視官被災地方逋租例蠲並停催

徵命法司通政司內外官貪賊者錄罪名藏于官

以便稽閱大理少卿戈謙上言時政命所司議行

辦事官程富上封事上嘉納之加楊榮工部

尚書賜勅厚資三俸兼支

進皇
考遺命

乙卯梓宮發引

上步送至承天門 太子諸王步送至陵 庚申

葬長陵 廣西總兵鎮遠侯顧興祖破斬徭賊二千

人 戊辰陞欽州判官李灝為光祿少卿免雜犯三

死

光祿舊恩

封寧夏總兵梁銘為保定伯世襲 賜孔

彥縉一品金織衣 作觀象臺于禁中

洪熙元年乙巳正月壬申朔 上御門受朝不作樂

西寧侯宋琥罪廢命其弟駙馬瑛襲爵 加武英殿

大學士黃淮少保楊士奇兵部尚書金幼孜禮部尚

書三倖兼支 贈少詹事鄒濟贊善徐善述俱太子

少保濟謚文敏善述謚文肅

東宮舊恩

封右都督李賢

忠勤伯

疑輟人舊名驪驍元末尚書未序賜名侍上郎中年八十病老

建弘文

閣楊溥掌閣事

丙戌大祀天地于南郊奉

皇祖

皇考配御門朝賀行慶成禮頒詔大赦

賜三公六

部尚書天元玉曆祥異賦親製序冠之

進恭順伯

吳克忠為侯弟指揮同知吳管者為廣義伯世襲

罷朝覲官領牧馬

寧陽侯陳懋安順伯薛貴與世

襲設繕工官陞侍郎李友直尚書專理二役

補

設南京各門衛所

以先調具半於北京也

許金幼孜省母

母年

人十二賜金鈔給驛

贈前贊善王汝玉為太子賓客賜祭諡

文靖

二月辛丑朔中官柴山冊封琉球

頒各邊

將印 朝鮮表賀冊中宮及 皇太子 甲辰靖征

虜大將軍印

丘福失去至今始補

黜漢第二子瞻圻居鳳陽

漢王言其不忠不孝

置武英殿右順門侍詔 丁未遣官釋

奠孔子 戊申祭大社大稷奉 太祖配永為定式

太監鄭和協守南京 贈交趾死事叅政馮貴侯

保為布政 改兵部左侍郎張信為錦衣指揮同知

世襲

信英公從兄上問得之加恩改官

乙卯遣官祭 祖陵 皇

陵 孝陵及歷代帝王陵嶽鎮海濱 丙辰耕籍田

加祭酒胡儼太子賓客致仕 南京地震 大理

少卿戈謙言事矯激 上不懌廷臣交劾坐以誣罔

上皆不聽令謙視事免朝叅尋復之 六安衛地震七

日方止 鑄鎮朔大將軍印

丙寅奉 皇考妣神主祔太廟 定方面官一考二考

稱職者給本身誥三考無私封贈如制 勅襄城伯

李隆專管南京都督府印 陽武侯薛祿破虜于赤

城加祿五百石 三月辛未朔 陞前光祿署丞權

謹爲文華殿大學士 先朝舊勞加贈金忠以下少

師等官 乙亥三大星一見翼宿一見屏內一見天

市西垣 外官滿三考者許給假省親 災異求直

言 命徐欽于襲魏國賜名顯宗從學國子監 南

京地震

切責保定伯梁瑤

恭特學夏貪肆也

皇太子祭

長陵

進封榮國忠顯公張玉爲河間王改謚忠武

姚廣孝榮國公

五色雲見

漢王請入朝諭止之

命三法司告誹謗者勿問

趙王高燾就國彰德

口外總兵陽武侯薛祿珮鎮朔大將軍印緣邊防
虜仍諭大同總兵鄭亨及各鎮守禦阿魯台入貢

進封金鄉忠壯侯王真爲寧國公

丁酉以四月

朔 皇考妣廟享升東平王朱能河間王張玉寧國

公王真榮國公姚廣孝配先祭告

都督山雲克遊

擊哨京東緣邊虜寇

長興賊首殷先朝伏誅

上

將復都南京 命諸司在北者悉稱行在復設北京

行部行後都督府 改禮部左侍郎胡濙為太子賓

客兼南京祭酒 革繕工所并于工部 四月庚子

朔享太廟 勅責甘肅總兵費繼以受制中官 停罷一

切官買物料及山東淮安徐州秋糧夏稅之半恐戶部遲

疑命中官具奏革楊士奇革詔用璽頒行 勅平江伯陳瑄停運沿河本

植散遣軍民 陞戈謙右副都竊治四川中官孫木貪橫者 設

北京行都察院 南京地數震 丙午賜 皇太子

寶押人王中正圖書以書宣諭 華陽王悅耀有罪

徙武岡州蜀獻王第二子許世孫友 薊州都指揮

皆將奉其位坐誣徙之

附錄

宣德初

張本爲兵部

加贈前大學士胡

勒勞塞義楊士奇各賜圖書曰塞忠貞印

變事

乙丑選

上以武臣疎於文墨序選任方面部
署官於各邊兵官處整理文書大同

歷代通鑑輯覽

五月庚午朔

誅告反失實者

浙江擊倭寇再破之

侍講李時

勉羅汝敬言事改御史

李華下獄

勅修

文皇寶錄

庚辰

上不豫馳召

皇太子

辛巳大漸

遺詔

傳位

皇太子至良鄉宮中發喪禮官捧遺詔自蘆

溝橋奉迎入宮成服頒遺詔

九月葬

獻陵

國史云

上嗣位每曰爲人君止于仁故弘施濡澤罷

科買已通負詢民隱急農事褒舊勞舉隆典增文武官

俸加軍士食米賜文臣誥勅于歸省禁告誹謗申嚴自

宮之禁及加人官刑屢飭法司崇寬厚戒深刻惟日以

恤人爲務在位僅十月而德政加多故遺詔初下兵民

如喪慈父廟號曰仁不亦宜乎

臣鄭曉曰 帝天稟純明至性孝友諧謔之言未嘗與辨益恭約順謹又自乎洽二弟驕恣曲意調護或正色訓戒在東宮清心寡欲被服寬博宛若儒生專志愛民細詢疾苦既卽位盡行其志每一詔下萬姓歡呼凡遇水旱瘠居露禱郡縣饑饉卽遣賑貸罷科市已通責加官俸優軍餉約已裕民恒如不及明乎知人任用不二廷臣才行高下瞭然緩急器使靡不曲當寸長可用咸所不弃苟犯名義雖小必黜未嘗以愛惡移是非甲乙遷喜怒嚴謹備邊不勤遠略邊

將陞舜每戒曰民力罷矣慎毋貪功虜至塞驅之而
已毋爲首禍違命獲功吾所不賞賞功懋德寧過於
厚屢勅法司崇寬厚戒深刻然極惡賊吏每戒法司
曰賊吏務厲民裕已國家恤民必自去賊吏始重學
較嚴薦舉每諭所司用人必求實才授官必責實較
樂聞直言多見褒荅間有涕泣無幾悔悟雅志儒術
務學問諸經皆通於書尤熟卜筮不用俗占必取正
周易反覆卦爻象象之辭及程朱氏說信之甚篤少
侍 太祖曉識天象長益探究日官諱避輒見窮詰
作臺禁中時自觀察苟有灾氛深自省咎恒念念祖

宗創業艱難每事必問祖法又曰循 祖宗之法者
當明 祖宗之心當錄 太祖皇陵碑文授諸子俾
熟讀又川真德秀大學衍義賜諸子在儲位二十年
天下傾嚮嗣位之後弘施沛澤號稱 仁廟仁斯至
矣無以尚已

臣謹帝思曰 昭帝孝友英明寬政恭儉敬 天法
祖制 保邦周詢民隱時使薄欽博施濟人無盈成之
運帝之明之化不始政紀單敷德澤期年之內天下
歸仁大祐不長其遐大速萬姓哀慕恭有海宇同情
者矣

臣何喬遠曰 帝監國有年明習政事在位雖淺膏澤已滲於民矣若其改過不吝痼痼在身漢文宋仁未足方也商高周成間歟東莞陳建已言之矣

臣國禎曰國家元氣培于 仁皇實多在位十月不

甯必世之久淪肌浹髓而其最難者在監國之十二年委曲調停仰事 上聖英明之父慈幃先背傲弟

肆讒其孝友誠敬有纖毫未備安能消其萌而窒其

隙 文皇干戈土木日勤于北民不怨事皆克濟則

根本得人勞來安集固結人心之明效也至卽位後大甯厥施且密以復安南陳氏爲言不但仁心尤見

卓識惟危疑震撼後眷然有反本之思念念舊京不
置又以山陵初卜未欲遽離托之 皇太子而昊天
不弔遐筭遽終此真有可傷者幸坤維奠于 皇后
乾德紹于皇嗣引而日長衍而愈茂大仁得天有光
祖矣

補遺

十月降大理寺卿虞謙爲少卿陞左評事楊時習爲
卿尋出時習爲交趾按察使謙復爲卿

十一月捕湖廣副使舒仲成楊士奇疏向來小人得

罪者多 陛下卽位皆已有之今又追理前事卽詔
書不信 上喜卽罷治仲成降勅獎諭士奇且曰卿
盡心如此朕復何憂

元年正月南京龍山產靈芝請賀不許 大同叅將

沈清及掌行都司都督僉事李謙與武安侯鄭亨相

抗詰責令改過 湖廣叅議諸葛平提督太和山官

觀 勅責交趾叅將榮昌伯陳智都督方政立功械

送貪虐指揮師祐張雄等赴京 兵部左侍郎曹本

被劾削半俸留用

侍居守念
之得留

停戶部主事劉良誥

命封贈 朝臣久任者許還鄉省墓賜鈔

二月陞易州同知裴璉工部右侍郎

舊青官中允

三月贈故兵部尚書劉儁爲太子太傅謚節愍禁

止自官并加人官刑者重治停河岷洮三州西寧

罕東涼州諸衛歲納洪熙三年差發馬俟六年如舊

徵收

四月鄭府審理正俞廷輔請科舉慎選博古通今德

行之上

皇明大政記卷之十終